

四庫全書

子部

欽定四庫全書

子部

蘭臺軌範卷三

詳校官太醫院使_臣張聲基

洗馬_臣王坦修覆勘

總校官庶吉士_臣何思鈞

校對官助教_臣羅萬選

謄錄監生_臣倪景寬

欽定四庫全書

蘭臺軌範卷三

吳江徐大椿撰

傷寒

素問

素熱論篇帝曰今夫熱病者皆傷寒之類也或愈或死其死皆以六七日之間其愈皆以十日以上者何也歧伯對曰巨陽者諸陽之屬也其脈連於風府故為諸陽

主氣也人之傷於寒也則為病熱熱雖盛不死其兩感於寒而病者必不免於死帝曰願聞其故岐伯曰傷寒一日巨陽受之故頭項痛腰脊強二日陽明受之陽明主肉其脈俠鼻絡於目故身熱目疼而鼻乾不得卧也三日少陽受之少陽主胆其脈循脇絡於耳故胸脇痛而耳聾三陽經絡皆受其病而未入於臟者故可汗而已四日太陰受之太陰脈布胃中絡於嗌故腹滿而嗌乾五日少陰受之少陰脈貫腎絡於肺繫舌本故口燥

舌乾而渴六日厥陰受之厥陰脈循陰器而絡於肝故

煩滿而囊縮三陰三陽五臟六腑皆受病榮衛不行五

臟不通則死矣

陰脈皆連五臟故曰入臟非風寒直入臟中也

其不兩感於寒

者七日巨陽病衰頭痛少愈八日陽明病衰身熱少愈

九日少陽病衰耳聾微聞十日太陰病衰腹減如故則

思飲食十一日少陰病衰渴止不滿舌乾已而噦十二

日厥陰病衰囊縱小腹微下大氣皆去病日已矣帝曰

治之奈何岐伯曰治之各通其臟脈病日衰已矣其未

滿三日者可汗而已其滿三日者可泄而已 水熱穴
論帝曰人傷於寒而傳為熱何也岐伯曰夫寒甚則生
熱也

兩感 素熱論帝曰其病兩感於寒者其脈應與其病
形何如岐伯曰兩感於寒者病一日則巨陽與少陰俱
病則頭痛口乾而煩滿二日則陽明與太陰俱病則腹
滿身熱不欲食譫言三日則少陽與厥陰俱病則耳聾
囊縮而厥水漿不入不知人六日死帝曰五臟已傷六

腑不通榮衛不行如是之後三日乃死何也岐伯曰陽明者十二經脈之長也其血氣盛故不知人三日其氣

盡故死

兩感則表裏同病

溫病暑病 素熱論凡病傷寒而成溫者先夏至日者為病溫後夏至日者為病暑暑當與汗皆出勿止

陰陽交 素評熱病論帝問曰有病溫者汗出輒復熱而脈躁疾不為汗衰狂言不能食病為何岐伯曰病名陰陽交交者死也帝曰願聞其說岐伯曰人所以汗出

者皆生於穀穀生於精今邪氣交爭於骨肉而得汗者是邪却而精勝也精勝則當能食而不復熱復熱者邪氣也汗出者精氣也今汗出而輒復熱者是邪勝也不能食者精無俾也病而留者其壽可立而傾也且夫熱論曰汗出而脈尚躁盛者死今脈不與汗相應此不勝其病也其死明矣狂言者是失志失志者死今見三死不見一生雖愈必死也

遺證 素熱論帝曰熱病已愈時有所遺者何也歧伯

曰諸遺者熱盛而強食之故有所遺也若此者皆病已衰而熱有所藏因其穀氣相薄兩熱相合故有所遺也帝曰善治遺奈何岐伯曰視其虛實調其逆從可使必已矣帝曰病熱當何禁之岐伯曰病熱少愈食肉則復多食則遺此其禁也

難經

傷寒有幾其脈有變不然傷寒有五有中風有傷寒有濕溫有熱病有溫病其所苦各不同中風之脈陽浮而

滑陰濡而弱濕溫之脈陽濡而弱陰小而急傷寒之脈
陰陽俱盛而緊濇熱病之脈陰陽俱浮浮之而滑沉之
散濇溫病之脈行在諸經不知何經之動也各隨其經
所在而取之傷寒有汗出而愈下之而死者有汗出而
死下之而愈者何也然陽虛陰盛汗出而愈下之即死
陽盛陰虛汗出而死下之而愈陽虛陰盛者風傷衛而汗自洩寒氣在內而未
出也陽盛陰虛者身熱汗閉燥火內結津液乾枯陰氣欲竭也此以有邪處為虛無邪處為盛

傷寒論六經脈症

太陽病脈浮頭項強痛而惡寒 尺寸俱浮者太陽受
病也其脈上連風府故頭項痛腰脊強 發熱汗出惡
風脈緩者名曰中風 惡寒體痛嘔逆脈陰陽俱緊者
名曰傷寒 發熱惡寒者發於陽也無熱惡寒者發於
陰也發於陽者七日愈發於陰者六日愈以陽數七陰
數六也

陽明中風口苦咽乾腹滿微喘發熱惡寒脈浮而緊

惡寒

未離太陽陽明病若能食名中風不能食名中寒 尺寸俱

長者陽明受病也其脈俠鼻絡於目故身熱目疼鼻乾

不能卧 陽明外証身熱汗自出不惡寒反惡熱也邪氣

已離太陽陽明脈大以上皆陽明之經病有太陽陽明有正陽陽

明有少陽陽明此三條皆傳腑之症太陽陽明者脾約是也 少

陽陽明者發汗利小便已胃中燥煩實大便難是也

陽明之為病胃家實也此正陽陽明陽明居中土也萬物所

歸無所復傳始雖惡寒二日自止此為陽明病也

少陽之為病口苦舌乾目眩也 尺寸俱弦者少陽受

病也其脈循脇絡於耳故胸脇痛而耳聾 少陽中

風兩耳無所聞目赤胸中滿而煩者不可吐下吐下則

悸而驚 傷寒脈弦細頭痛發熱者屬少陽

頭痛發熱與太陽同

而脈之弦細獨異 三陽合病脈浮大上關上但欲眠睡目合則

汗

內熱已極

傷寒六七日無大熱

外熱輕則內熱重

其人躁煩者此

為陽去入陰也

若熱輕而不煩躁則病欲退矣

傷寒三日三陽為盡三

陰當受邪其人反能食而不嘔此為三陰不受邪也

太陰之為病腹滿而嘔食不下自利益甚時腹自痛

尺寸俱沉細者太陰受病也其脈布胃中絡於噎故腹

滿而噎乾

傷寒脈浮而緩手足自溫者繫在太陰

一同

太陰病而有沉細浮緩之殊蓋沉細乃太陰病脈浮緩乃太陰本脈也

自利不渴者屬太

陰以臟有寒故也當溫之宜服四逆輩

少陰自利而渴熱入下焦也此

自利而不渴寒入中焦也

少陰之為病脈微細但欲寐也

衛氣行於陽則寤行於陰則寐

少陰病

欲吐不吐心煩但欲寐五六日自利而渴者屬少陰也

尺寸俱沉者少陰受病也以其脈貫腎絡於肺繫舌

本故口燥舌乾而渴

厥陰之為病消渴氣上撞心中疼熱饑而不欲食食則吐衄下之利不止 尺寸俱微緩者厥陰受病也以其脈循陰器絡於肝故煩滿而囊縮 厥陰中風脈微浮為欲愈不浮為未愈

傷寒傳足不傳手經脈

此本陶節庵最為明晰

足太陽脈起於目內眥從頤下後項連風府行身之後終於足其外症頭疼項強腰脊痛骨節痛惡心發熱惡

寒標病宜發汗但太多則亡陽筋惕肉瞤小便不利者當利自利者不可利利之引熱入膀胱其人如狂

不可下下之為結胸

足陽明脈起於鼻頰絡於目循面下人迎入缺盆下膈屬胃行身之前終於足之厲兌穴故其症目痛鼻乾不得眠頭頸痛身熱微惡寒無汗者屬標病宜解肌身熱發渴汗出屬本病宜清熱解肌若惡熱自汗發渴去衣被發斑發黃發狂大便秘腹滿此正陽明胃腑病也

宜下之

足少陽脈起於目銳眥上抵頭循角絡耳中循胸脇行身之側終於足故頭角痛目眩耳聾脇疼心下痞寒熱往來嘔而口苦膽熱也此經無標本只有小柴胡一湯和解隨症加減有三禁汗之犯太陽下之犯陽明利之犯少陰 脈弦數者是本經症

足太陰為三陰經首其脈始於足大指上行至腹絡於喉連舌本行身之前也故腹滿自利咽乾嘔吐腹滿邪

入脾也嘔吐脾氣不和也自利挾熱下利也咽乾脾脈
連喉也頭不疼陰脈至頸而還也身微熱手足溫表邪
解而傳入裏也身目俱黃標病宜平熱腹滿硬痛渴而
喉乾小便赤大便難本病雖宜下然當分寒熱施治
足少陰脈始於足心上行貫脊循喉絡舌本下注心胸
行身之後也其病手足乍冷乍溫身不熱者標病二便
不通舌乾口燥者本病此經本熱而標寒也宜急下以
存腎水雖自利此是飲湯水所致不可疑為寒也初病

大熱至此變為厥冷者是熱深厥亦深也急下之至陰
又難拘定法因分直中者寒症傳經者熱症大抵六經
中惟此難辨有直中真陰者有夾陰中寒者有夾陰傷
寒者有虛陽伏陰者有陰極發躁者有漏底傷寒者前
二症身不熱厥冷全似少陰傳經而冷者後四症身熱
面赤又全似陽大要口燥舌乾渴而譫語大便秘實者傳
經熱症也足冷嘔吐瀉痢不渴或惡寒腹痛者直中真
寒症也

足厥陰脈始於足大指上循陰器抵小腹循脇上口唇
與督脈會於巔項行身之側也其症煩懣囊拳消渴舌
捲譫語大便不通而頭疼手足乍冷乍溫者此是陽經
傳來熱邪本病宜急下若發熱惡寒狀如瘧疾此是熱
邪在經標病宜和解若不嘔便清當有大汗至而自愈
頭疼者以督脈會於巔頂故也 大抵熱深厥亦深

則舌捲囊縮

肝主筋也

陰寒冷極亦捲縮須以口渴不渴足

冷不冷脈沉實沉細別之

厥陰屬熱者甚多後人皆指為極寒概用溫熱誤人無筭

熟讀傷寒

論自知

傷寒六經治法方

諸方精義俱詳余所著傷寒類方中不更贅

桂枝湯

俱本傷寒論

治太陽中風頭疼發熱汗出惡風

桂枝

三兩去皮

芍藥

三兩

甘草

二兩炙

生薑

三兩

大棗

十二枚擘

右五味㕮咀以水七升微火煮取三升去滓適寒溫

服一升服已須臾歠熱稀粥一升餘以助藥力溫覆

令一時許通身熱熱微似有汗者蓋佳不可令如水

流漓病必不除若一服汗出病差停後服不必盡劑

若不汗更服依前法又不汗後服當小促其間半日
許令三服盡若病重者一日一夜服周時觀之服一
劑盡病証猶在者更作服若汗不出者乃服至二三

劑禁生冷粘滑肉麵五辛酒酪臭惡等物

此服外感風寒之藥

服法俱當如此

麻黃湯

治太陽中寒頭身俱痛發熱無汗惡風而

喘

麻黃

三兩去節

桂枝

二兩去皮

甘草

一兩炙

杏仁

七十個湯泡去皮尖

右四味以水九升先煮麻黃減二升去上沫內諸藥
煮取二升半去滓溫服八合覆取微似汗不須啜粥
餘如桂枝法將息

桂枝麻黃各半湯

治傷寒向愈脈微緩惡寒身癢

桂枝

一兩十六銖去皮

芍藥

酒洗

生薑

切

甘草

炙

麻黃

各一兩去節

大棗

四枚擘

杏仁

二十四個湯浸去皮尖及兩仁者

右七味以水五升先煮麻黃一二沸去上沫內諸藥
煮取一升八合去滓溫服六合令微汗則愈

桂枝加葛根湯

治太陽病項背強几几反汗出惡

風

葛根

四兩

芍藥

二兩

甘草

二兩

生薑

三兩切

大棗

十二枚擘

桂枝

三兩去皮

右六味以水一斗先煮葛根減二升去上沫內諸藥

煮取三升去滓溫服一升覆取微似汗不須啜粥餘

如桂枝法

本方無麻黃若加麻黃則為葛根湯矣陳無已本誤加

葛根湯

治太陽病項背強無汗惡風者又治太陽

陽明合病自下利者

葛根

四兩

麻黃

三兩 去節

桂枝

二兩 去皮

芍藥

二兩 切

甘草

二兩 炙

生薑

三兩 切

大棗

十二枚 擘

右七味咬咀以水一斗先煮麻黃葛根減二升去沫
內諸藥煮取三升去滓溫服一升覆取微似汗不須
啜粥餘如桂枝法將息及禁忌

葛根黃芩黃連湯

治太陽症誤下利遂不止喘而

汗出者此主之

葛根

半斤

甘草

炙

黃芩

各二兩

黃連

三兩

右四味以水八升先煮葛根減二升入諸藥煮取二升去滓分溫再服

桂枝加芍藥湯

治太陽誤下腹滿時痛屬太陰也

此主之大實痛者加大黃一兩即桂枝加大黃湯

桂枝

三兩

芍藥

六兩

甘草

二兩

生薑

三兩

大棗

十二枚

右五味咬咀以水七升微火煮取三升去滓適寒溫

服一升

此即桂枝湯加芍藥一倍即另成一方而以之治太陰症分兩輕重之所關如此 太陰

病必
腹滿

大青龍湯

治太陽中風脈浮緊惡寒發熱身疼不

汗出而煩躁者

麻黃

六兩
去節

桂枝

二兩
去皮

甘草

二兩
炙

杏仁

四十粒
去皮尖

生薑

三兩

切

大棗

十二枚
擘

石膏

如雞子
大碎

右七味以水九升先煮麻黃減二升去上沫內諸藥
煮取三升去滓溫服一升取微似汗汗出多者溫粉
撲之一服汗者停後服汗多亡陽遂虛惡風煩躁不

得眠也

此風寒兩傷之方 按載大青龍何以不載小青龍蓋小青龍治傷寒不解心下有水氣

之症非傷寒正方也

桂枝加桂湯

治燒針令其汗針處被寒核起微赤

必發奔豚灸其核上各一壯與此湯

即桂枝湯加桂二兩

小柴胡湯

治少陽中風往來寒熱胸脇苦滿心煩

喜嘔腹痛心悸頭汗出舌上胎白及婦人熱入血室

等症

柴胡

半斤

黃芩

人參

甘草

各三兩

半夏

半升洗

生薑

三兩切

大棗

十二枚擘

右七味水一斗二升煮取六升去滓再煎取三升溫服一升日三服 若胸中煩而不嘔去半夏人參加栝蒌實一枚 若渴者去半夏加人參合前成四兩半栝蒌根四兩 若腹中痛者去黃芩加芍藥三兩 若脇下痞鞭去大棗加牡蠣四兩 若心下悸小便不利者去黃芩加茯苓四兩 若不渴外有微熱

者去人參加桂三兩溫覆取微汗愈 若欬者去人

參大棗生薑加五味子半升乾薑二兩

此方加減
法須細稔

大柴胡湯

治傷寒十餘日柴胡症仍在嘔而心下

急心中痞鞭而痢熱結在裏往來寒熱等症

柴胡

半斤

黃芩

三兩

芍藥

三兩

半夏

半升

生薑

五兩
切

枳實

四枚

大棗

十二枚

大黃

二兩

右八味以水一斗二升煮取六升去滓再煎溫服一

升日三服

大承氣湯

治傷寒十餘日吐下後不解，晡時發潮

熱，獨語如見鬼狀，尋衣摸牀，胃中有燥屎也。此下之

大黃

四兩
酒洗

厚朴

半斤去
皮炙

枳實

五枚
炙

芒硝

三合

右四味以水一斗，先煮二物，取五升，去滓，內大黃，煮

取二升，去滓，內芒硝，更上微火，一兩沸，分溫再服，得

下，餘勿服。

胃中非存燥屎之所，此言胃中者，指足陽明言，即所謂胃中實是也。乃腸胃之總名。

小承氣湯

治汗多微發熱，不惡寒，或小便數而大

便，鞭譏語者，與此湯微和胃氣。

大黃

四兩

厚朴

二兩去皮炙

枳實

三枚炙

右三味以水四升煮取一升二合去滓分溫二服初服湯當更衣不爾者盡飲之若更衣者勿服之

調胃承氣湯

治胃氣不和不惡寒但熱腹微滿而

煩與此湯

大黃

四兩去皮清酒浸

甘草

二兩炙

芒硝

半斤

右三味咬咀以水三升先煮大黃甘草取一升去滓

內芒硝更上火微煮令沸少少溫服

不惡寒乃外邪已盡方可下此

仲景之

要法

桃核承氣湯

治太陽病不解熱結膀胱其人如狂

血自下下者愈其外不解者尚未可攻宜先與桂枝
解外外解已但小腹急結此主之

桃仁

五十個
去皮尖

桂枝

二兩
去皮

大黃

四兩

芒硝

甘草

炙
各

二兩

右五味以水七升煮取二升半去滓內芒硝更上火
微沸下火先令溫服五合日三服當微利

抵當湯

治傷寒六七日少腹鞭小便自利其人如

狂喜忘大便黑此有蓄血

水蛭

熬

蟅虫

各三十個
去翅足熬

桃仁

三十個
去皮尖

大黃

三兩
酒浸

右四味為末以水五升煮取三升去滓溫服一升不

下再服

抵當丸

治傷寒有熱少腹滿應小便不利今反利

者為有血也當下之不可餘藥

水蛭

二十個

蟅虫

二十個

桃仁

二十個
去皮尖

大黃

三兩

右四味杵分為四丸以水一升煮一九取七合服之
晬時當下血若不下者更服

大陷胸湯

治表未解而醫反下之胃虛而陽氣內

陷心下有鞭舌上燥渴小有潮熱心上至少腹痛不
可近

大黃

六兩
去皮

芒硝

一升

甘遂

一錢

右三味以水六升先煮大黃取二升去滓內芒硝煮

一兩沸內甘遂末溫服一升得快利止後服

結胸乃
水飲為

惠傷寒論云此為
水結故用甘遂

大陷胸丸

治病發於陽而反下之熱入因作結胸

病發於陰而反下之因作痞所以成結胸者以下之
太早故也

大黃

半斤

葶藶子

熬

芒硝

杏仁

去皮尖熬
黑各半升

右四味搗篩二味內杏仁芒硝合研如脂和散取如
彈丸一枚別搗甘遂末一錢匕白蜜二合水二升煮
取一升溫頓服之一宿乃下如不下更服取下為效

小陷胸湯

治病在心下按之則痛脈浮滑者

黃連

一兩

半夏

半升洗

栝蒌實

大者一個

右三味以水六升先煮栝蒌取三升去滓內諸藥煮取二升去滓分溫三服

白虎湯

治脈滑而厥裏有熱也

又治三陽合病

腹滿身重譫語遺尿自汗出者

知母

六兩

石膏

一斤碎

甘草

二兩

粳米

六合

右四味以水一斗煮米熟湯成去滓溫服一升日三

服

陽極於內發散則路遠故從小便去之

麻黃附子細辛湯

治少陰始得病反發熱脈沉者

麻黃

去節

細辛

各二兩

附子

一枚炮去皮破八片

右三味以水一斗先煮麻黃減二升去上沫內藥煮取三升去滓溫服一升日三服

四逆散

治少陰傳經熱邪四逆或咳或悸或小便

不利或腹中痛或泄痢下重者

甘草

炙

枳實

破水漬炙乾

柴胡

芍藥

各十分

右四味搗篩白飲和服方寸匕日三服 欬者加五味子乾薑各五分并主下痢 悸者加桂枝五分

小便不利者加茯苓五分 腹中痛者加附子一枚炮令拆 泄痢下重者先以五升煮薤白三升煮取

三升去滓以散三方寸匕內湯中煮取一升半分溫

再服

熱邪入深乃見四逆誤認為寒貽害匪細
薤白能治下重以能洩大腸之氣也

四逆湯

治脈沉體痛溫溫欲吐下利清穀手足厥

冷內寒外熱脈微欲絕等症

甘草

炙 二兩

乾薑

半 一兩

附子

一枚生用去皮破八片

右三味咬咀以水三升煮取一升二合去滓分溫再

服強人可大附子一枚乾薑三兩

四逆湯不可輕用一症不具即當細

審必諸症皆全方可決用無疑

四逆加人參湯

治痢後亡血

本方加人參

通脈四逆湯

治下痢清穀脈絕汗出而厥

本方加乾薑一倍

通脈四逆加豬胆汁湯 治汗出而厥脈絕拘急

本方加豬胆汁

當歸四逆湯 治手足厥冷脈細欲絕脈浮革因爾

腸鳴者

當歸

桂枝

芍藥

各三兩

細辛

二兩

大棗

二十個

甘草

通草

各二兩

右七味以水八升煮取三升去滓溫服一升日三服

此四逆症乃從太陽誤下所致非厥陰少陰之四逆也故仍以桂枝湯為主

理中丸及湯

治霍亂頭痛發熱身疼痛寒多不用

水者理中湯若大病瘥後喜唾久不了了胃上有寒者用理中丸

人參

甘草

炙

白朮

乾薑

各三兩

右四味搗篩為末蜜丸如雞子黃大以沸湯數合和一丸研碎溫服之日三服夜二服腹中未熱益至三四丸然不及湯湯法以四物依兩數切用水八升煮取三升去滓溫服一升日三服

四逆乃溫下焦中焦之法理中為溫上焦

中焦之法各有部位也

附子瀉心湯

治心下痞而復惡寒汗出

大黃

二兩

黃連

黃芩

各一兩

附子

一枚泡去皮破別煮取汁

右四味切三味以麻沸湯二升漬之須臾絞去滓內

附子汁分溫再服

治上焦用生藥故漬而不煎附子能回陽止汗

梔子豉湯

治汗吐下後虛煩不得眠及大下之後

身熱未去心中結痛或微煩者

梔子

十四枚擘

香豉

四合綿裹

右二味以水四升先煮梔子得二升半內豉煮取一

升半去滓分為二服溫進一服得吐者止後服

邪在至高

之分以此吐之所謂在上者因而越之也 此吐方之最和平者

真武湯

治太陽汗出不解仍發熱心悸頭眩身瞤

動振振欲僻地者 又治少陰至四五日小便不利

四肢沉重疼痛自下痢此為有水氣

茯苓

芍藥

生薑

各三兩切

白朮

二兩

附子

一枚炮去

皮破八片

右五味以水八升煮取三升去滓溫服七合日三服

此治水逆之正方

若欬者加五味半升細辛乾薑各一兩

若小便利者去茯苓 若下痢者去芍藥加乾薑

二兩 若嘔者去附子加生薑足前成半斤

大黃黃連瀉心湯

治傷寒脈浮緊而復下之緊反

入裏則作痞按之自濡但氣痞耳此主之

大黃 二兩 黃連 一兩

右二味以麻沸湯二升漬之須臾絞去滓分溫再服

凡治下焦之補劑當多煎以熟為主治上焦之瀉劑當不煎以生為主此亦治至高之熱邪故亦用生藥

白通湯

治少陰下痢

葱白

四莖

乾薑

一兩

附子

一枚生用去皮破八片

右三味以水三升煮取一升去滓分溫再服

此為寒痢

白通加猪胆汁方

治服白通湯利不止汗出而厥

逆無脈乾嘔而煩服湯後脈暴出者死微續者生

即白通湯煎成內人尿五合猪胆汁一合分溫再服

猪膚湯

少陰病下痢咽痛胸滿心煩者此主之

猪膚

一斤

右一味以水一斗煮取五升去滓加白蜜一升白粉

五合熬香和令相得溫分六服

引少陰之
虛火下達

甘草湯桔梗湯

治少陰咽痛先與甘草湯不瘥與

桔梗湯

甘草

二兩

右一味以水二升煮減半去滓溫服七合日二服

桔梗湯加桔梗一兩煎法同

此方制少陰在上之火

瓜蒂散

治太陽病胸中痞鞭氣上冲胸不得息此

胸中有寒也又或手足厥冷脈乍緊心中煩滿不能食病在胸中並當吐之

瓜蒂

熬

赤小豆

各一分

右二味各別搗篩為散已合治之取一錢匕以香豉一合用熱湯七合煮作稀糜去滓取汁和散溫頓服之不吐者少少加得快吐乃止諸亡血虛家不可與

之

麻黃升麻湯

治傷寒六七日大下後厥逆寸脈沉

遲下部脈不至咽喉不利吐膿血泄痢為難治此主
之

麻黃

二兩半
去節

升麻

當歸

各一兩
一分

知母

黃芩

薑豉

各十
八銖

石膏

碎綿
裹

白朮

乾薑

芍藥

天冬

去心

桂枝

茯苓

甘草

炙各
六銖

右十四味以水一斗先煮麻黃一兩沸去上沫內諸

藥煮取三升去滓分溫三服令汗出愈

旋復代赭湯

治傷寒汗出吐下後心下痞鞭噫氣

不除此主之

旋復花

三兩

人參

二兩

生薑

五兩切

半夏

半升洗

代赭石

一兩

大棗

十二枚擘

甘草

三兩炙

右七味以水一斗煮取六升去滓再煎取三升溫服

一升日三服

苦酒湯

治少陰病咽中生瘡聲不出者

半夏

洗破十枚

雞子

一枚去黃內
苦酒著殼中

右二味內半夏著苦酒中以雞子殼置刀環中安火

上令三沸去滓少少含嚥之不差更作三劑服之

製法

奇

枳實梔子豉湯

治大病瘥後勞復

枳實

三枚炙

梔子

十四枚擘

豉

一升綿裹

右三味以清漿水七升空煮取四升內枳實梔子煮

取二升下豉更煮五六沸去滓溫分再服覆令微似

汗若有宿食者加大黃如博碁子大五六枚

大病後
勞復庸

醫必作虛治乃純用降
氣清火之品當細參之

竹葉石膏湯

治傷寒解後虛羸少氣氣逆欲吐者

方見通治 壯火食氣
故少氣者多屬火症

燒裨散

治陰陽易病其人身重少氣少腹裏急陰

中拘攣熱上衝胸頭重不舉眼中生花膝脛拘急

右取婦人中裨近陰處剪燒灰以水和服方寸匕日

三服小便即利陰頭微腫則愈婦人病取男子裨襠

燒灰

猪胆導法

以猪胆汁加醋內穀導中

蜜煎導法

以蜜煎老捏作指大一條內穀導中以

手按之

右二方俱治傷寒大發汗小便利津液內竭大便雖
鞭不可攻之用此法

治男子新病起房內復者方

千金

取女人月經赤帛燒服方寸匕亦治陰卵腫縮入腹

絞痛欲死

治交接勞復陰卵腫縮腹中絞痛便欲死方

千金

取所交接婦人衣服以覆男子立愈

竹皮湯

外臺

治交接勞復卵腫腹痛便絕欲死

青竹皮

一升

右一味水三升煮五六沸絞汁頓服立愈此方范汪亦治大便後勞復

療食勞方

外臺

杏仁

五十枚

右一味以酢二升煎取服之取汗則差

治結胸灸法

本事方

巴豆

十四枚

黃連

七寸連皮用

右搗細末用津唾和成膏填入臍心以艾炙其上腹中有聲其病去矣不拘壯數以病退為度纔灸了便

以溫湯浸手帕拭之恐生瘡也

此法最穩凡胸中病俱可依此法外治

鵲石散

本事方

治傷寒發狂棄衣奔走踰牆上屋

黃連

寒水石

各等分

右為細末每服二錢濃煎甘草汁調服

鼈甲散

活人書

治傷寒八九日不瘥名曰壞症傷寒不能

治者宜此療之

升麻

前胡

去蘆

烏梅

去核

枳實

麩炒

犀角

鎔

黃芩

各半兩

生地黄

切兩合

甘草

一分炙

鼈甲

去裙米醋炙

赤黃杵碎用

半兩

右剉如麻豆大每服抄五錢匕水一盞半煎至八分

去滓溫服

升麻鼈甲湯

金匱

陽毒之為病面赤斑斑如錦文咽喉

痛唾膿血五日可治七日不可治此湯主之

升麻

二兩

當歸

一兩

蜀椒

炒去汗一兩

甘草

二兩

鼈甲

手

大一

雄黃

半兩

片炙研

右六味以水四升煮取一升頓服之老小再服取汗

升麻鼈甲去雄黃蜀椒方

陰毒之為病面目青身

痛如被杖咽喉痛五日可治七日不可治升麻鼈甲

湯去雄黃蜀椒主之 肘後千金方陽毒用升麻湯

無鼈甲有桂陰毒用甘草湯即本方無雄黃活人陽

毒升麻湯用犀角射干黃芩人參無當歸蜀椒鼈甲

雄黃

蜀椒辛熱之品陽毒用而陰毒反去之疑誤活人書加犀角等四味頗切當

梔子仁湯

活人書

治陽毒傷寒壯熱百節疼痛

梔子仁

一兩

柴胡

一兩半

升麻

黃芩

各二兩

赤芍

一兩

石膏

一兩

石膏

二兩

知母

一兩

甘草

半兩

杏仁

二兩

湯浸去皮尖及雙

仁者麤炒微黃

右件搗為粗末每服抄四錢以水一盞入生薑半分

豉一百粒煎至六分去滓不計時候溫服

還陽湯

本事方

治陰毒面色青四肢逆冷心燥腹痛

用硫黃末新汲水調下良久或寒一起或熱一起更看緊慢再服一二錢則為汗出差

萎蕤湯

活人書

治風溫兼療冬溫及春月中風傷寒發熱

頭眩痛喉咽乾舌強胸內疼痛滿腰背強

萎蕤

三分

石膏

一兩 杵碎

白薇

麻黃

湯泡焙 乾秤

川芎

葛根

生者可用
二兩尤妙

大羌活

去蘆

甘草

炙

杏仁

去皮
尖雙

仁搥碎

青木香

一分冬一兩始
春用半兩炒

各半兩

右剉如麻豆大每服五錢水一盞半煎一盞日三四

服

此清散之劑
可治時疫

白虎加蒼朮湯

本事

治濕溫多汗

知母

五兩

甘草

二兩
炙

石膏

一斤

蒼朮

粳米

各三
兩

右為末每服四錢水一盞半煎至七分去滓取汁溫

服

黑膏

活人書

治溫毒發斑

好豉

一升

生地黃

半斤切

右二味以猪膏二斤合露之煎令三分減一絞去滓

用雄黃麝香如大豆者內中絞和盡服之毒便從皮

中出則愈

凡外感之症治之得宜六七日間無不愈者過期不愈皆治之不得其法所以或傳

經或變病種種現症不可窮極以致治法千端聚訟不息故仲景傷寒論治傷寒之正方不過數首餘皆

誤治之變症故取治襍病之方隨症救療也按傷寒為外感之總名傳變出入千頭萬緒仲景傷寒論

一字不可遺漏今止舉六經本症及六經主方數首以存大畧不可以此而廢全書也能將傷寒全書熟

讀而精通之則凡為外感之病遊刃有餘矣故此集外感之方選錄甚少意有在也

百合病

金匱

論曰百合病者百脈一宗悉致其病也意欲食復不能食常默然欲卧不能卧欲行不能行飲食或有美時或有不用聞食臭時如寒無寒如熱無熱口苦小便赤諸藥不能治得藥則劇吐利如有神靈者身形如和其脈微數每溺時頭痛者六十日乃愈若溺時頭不痛漸然

者四十日愈若溺快然但頭眩者二十日愈其症或未
病而預見或病四五日而出或病二十日或一月微見
者各隨症治之 百合病見於陰者以陽法救之見於

陽者以陰法救之見陽攻陰復發其汗此為逆見陰攻
陽乃復下之此亦為逆

此等症病後得之者甚多醫者不知多方誤治以致病氣日深

不可救療始終無一人能識之者遍地皆然也 百脈一宗悉病蓋肺朝百脈故以百合治肺為主藥

百合病方

百合知母湯 金匱 百合病發汗後者主之

百合

七枚 擘

知母

三兩 切

右先以水洗百合漬一宿當白沫出去其水更以泉水二升煎取一升去滓別以泉水二升煎知母取一升去滓後合和煎取一升五合分溫再服

滑石代赭湯

金匱

百合病下之後者主之

百合

七枚 擘

滑石

三兩 碎 綿裹

代赭石

如彈丸大一枚 碎 綿裹

右先以水洗百合漬一宿當白沫出去其水更以泉水二升煎取一升去滓別以泉水二升煎滑石代赭

取一升去滓後合和重煎取一升五合分溫服

百合雞子湯

金匱

百合病吐之後者主之

百合

七枚
擘

雞子黃

一枚

右先以水洗百合漬一宿當白沫出去其水更以泉水二升煎取一升去滓內雞子黃攪勻煎五分溫服
百合地黃湯

金匱

百合病不經吐下發汗病形如初者

主之

百合

七枚
擘

生地黃汁

一升

右先以水洗百合漬一宿當白沫出去其水更以泉水二升煎取一升去滓內地黃汁煎取一升五合分溫再服中病勿更服大便常如漆

百合洗方

金匱

百合病一月不解變成渴者主之

百合一升以水一斗漬之一宿以洗身洗已食煮餅勿以鹽豉也

枯薑牡蠣散

金匱

百合病渴不差者主之

枯薑根

牡蠣

熬等分

右為細末飲服方寸匕日三服

百合滑石散

金匱

百合病變發熱者

一作發寒熱

主之

百合

一兩炙

滑石

三兩

右為散飲服方寸匕日三服當微利者止服熱則除

感冒方

附

九味羌活湯

張元素方

四時發散

羌活

防風

川芎

白芷

細辛

蒼朮

黃芩

甘草

生地

右加生薑三片葱白三莖水煎服

此外感之總方惟生地不若易當歸

為佳 此方之分兩當因病之輕重加減故不為一定之數

敗毒散

活人書

治傷寒瘟疫風濕風眩拘蹇風痰頭痛目

眩四肢痛憎寒壯熱項強睛疼

羌活

獨活

前胡

柴胡

川芎

枳殼

白茯苓

桔梗

人參

各一兩

甘草

五錢

右為細末每服二錢水一盞入生薑三片煎七分溫

服或沸湯點服

煩熱口渴加黃芩

參蘇飲

易簡

治感冒風寒頭痛發熱憎寒咳嗽涕唾稠

黏胸膈滿悶弱無汗

人參

蘇葉

乾葛

前胡

陳皮

枳殼

茯苓

半夏

各八分

桔梗

木香

甘草

各五分

生薑

五片

大棗

一枚

右十三味水煎熱服取汗

以上三方乃感冒風寒之總法其病止在皮毛肌肉之中未入經絡故不能傳變大段驅散太陽陽明之風寒足矣其有食者則兼用消食之品可也此等症四時皆有南方最多

寒熱

靈素

靈口問篇帝曰人之振寒者何氣使然岐伯曰寒氣客於皮膚陰氣盛陽氣虛故為振寒寒慄

素逆調論黃帝問曰人身非常溫也非常熱也為之熱而煩滿者何也岐伯對曰陰氣少而陽氣勝故熱而煩滿也帝曰人身非衣寒也中非有寒氣也寒從中生者何岐伯曰是人多痺氣也陽氣少陰氣多故身寒如從

水中出帝曰人有四肢熱逢風寒如炙如火者何也岐伯曰是人者陰氣虛陽氣盛四肢者陽也兩陽相得而陰氣虛少少水不能滅盛火而陽獨治獨治者不能生長也獨勝而止耳逢風寒如炙如火者是人當肉爍也帝曰人有身寒湯火不能熱厚衣不能溫然不凍慄是為何病岐伯曰是人者素腎氣勝以水為事太陽氣衰腎脂枯不長一水不能勝兩火腎者水也而生於骨腎不生則髓不能滿故寒甚至骨也所以不能凍慄者肝

一陽也心二陽也腎孤臟也一水不能勝二火故不能
凍慄病名曰骨痺是人當攣節也帝曰人之肉苛者雖
近於衣絮猶尚苛也是為何疾歧伯曰榮氣虛衛氣實
也榮氣虛則不仁衛氣虛則不用榮衛俱虛則不仁且
不用肉如故也人身與志不相有曰死

移熱移寒 素氣厥論黃帝問曰五臟六腑寒熱相移
者何歧伯曰腎移寒於脾癰腫少氣脾移寒於肝癰腫
筋攣肝移寒於心狂隔中心移寒於肺肺消飲一洩二

死不治肺移寒於腎為涌水涌水者按腹不堅水氣客
於大腸疾行則鳴濯濯如囊裹漿水之病也脾移熱於
肝則為驚衄肝移熱於心則死心移熱於肺傳為鬲消
肺移熱於腎傳為菜瘕腎移熱於脾傳為虛腸辟死不
可治胞移熱於膀胱則癰溺血膀胱移熱於小腸鬲腸
不便上為口糜小腸移熱於大腸為虛瘕為沉大腸移
熱於胃善食而瘦又謂之食亦胃移熱於胆亦曰食亦
胆移熱於腦則卒顛鼻淵鼻淵者濁涕下不止也傳為

衄衄瞑目故得之氣厥也

難經

寒熱之病候之如何也然皮寒熱者皮不可近席毛髮
焦鼻藁不得汗肌寒熱者皮膚痛唇口藁無汗骨寒熱
者病無所安汗注不休齒藁痛 陽維為病苦寒熱

傷寒論

病人身大熱反欲近衣者熱在皮膚寒在骨髓也身大
寒反不欲近衣者寒在皮膚熱在骨髓也

此種寒熱既非感冒亦非傷寒其淺深有皮膚骨髓之殊其久暫有歲月之異輕者有似感冒重者即變骨蒸所以內經以後諸書寒熱自有方論不入傷寒等法大段以清營中之熱為主其或有風有痰有積有瘀者則隨症消息之可也

寒熱方

四時加減柴胡湯

金匱

治五臟寒熱

柴胡

白朮

各八分

大腹枳榔

四枚并皮子用

陳皮

五分

生

薑

五分

桔梗

七分

已上冬三月柴胡稍多春三月減

白朮增枳實夏三月又增甘草仍用枳實白朮秋三

月同冬三月惟陳皮稍多

右各咬咀分為三貼一貼以水三升煮取二升分溫

三服如人行四五里進一服渣再合煎一服

治寒熱
總不能

外柴胡 寒熱久者必有積滯

分讀去聲二錢半為一分

天行熱病方 外臺 療天行三日外至七日不歇內熱令

人更相染著主大青消毒湯

大青 四兩 香豉 八合熬 乾葛

綿裹

梔子 各四兩 生地 一升

切 芒硝 三兩

右六味切以水五升煮取二升半去滓下芒硝分三

服 一方有石膏八兩忌蕪荑熱麪酒蒜等物

此方
專清

陽明
之熱

苦參湯 千金 療天行熱病五六日以上宜服

苦參 三兩 黃芩 二兩 生地黃 八兩

右三味切以水八升煮取二升去滓溫服半升日再

服忌蕪荑

凝雪湯 外臺 療天行毒病七八日熱積胸中煩亂欲死

芫花 一升

右一味以水三升煮取一升半漬故布薄胸上不過

再三薄熱則除當溫四肢護厥逆也

按本草芫花能治蠱毒消胸中

痰水

大黃湯

外臺

療天行五六日不解頭痛壯熱四肢煩疼

不得飲食

大黃

胃

黃連

心肝

黃柏

腎

梔子

肺各半

兩擘

右四味以水八升煮六七沸內豉一升葱白七莖煮

取三升去滓分三服此許推然方神良又療傷寒已

五六日頭痛壯熱四肢煩疼取汗並宜老小忌豬肉

冷水

此三黃湯之變
能除六經之熱

桃葉熏身法

外臺

水一石煮桃葉取七斗以薦席自圍衣被蓋上安桃
湯於牀簀下取熱自熏停少時當雨汗汗遍去湯待
歇速粉之并灸大椎則愈

按寒熱之因千變萬殊有屬外感有屬內傷而外感
內傷之中又各不同其外有屬痰飲有屬瘀血有屬

積聚有屬敗症不可勝舉其治法各詳於本病
條下當細審之此只錄時行熱病之數方耳

霍亂

附轉筋

傷寒論

問曰病有霍亂者何答曰嘔吐而利名曰霍亂問曰病
發熱頭痛身疼惡寒吐利者此屬何病答曰此名霍亂
自吐下又利止復更發熱也傷寒其脈微澁者本是
霍亂今是傷寒却四日至陰經上轉入陰必利本嘔
下利者不可治也欲似大便而反失氣仍不利者屬陽

明也便必鞭十三日愈所以然者經盡故也下利後當
便鞭鞭則能食者愈今反不能食則後經中頗能食復
過一經能食過之一日當愈不愈者不屬陽明也吐利
發汗脈平小煩者以新虛不勝穀氣也

此霍亂是傷寒
變症與霍亂本

症微
別

病源

霍亂者由人溫涼不調陰陽清濁二氣有相干亂之時
其亂在於腸胃之間者因遇飲食而變發則心腹絞痛

其有先心痛者則先吐先腹痛者則先利心腹並痛者則吐利俱發挾風而實者身發熱頭痛體疼而復吐利虛者但吐利心腹刺痛而已亦有飲酒食肉腥膾生冷過度因居處不節或露卧濕地或當風取涼而風冷之氣歸於三焦傳於脾胃脾胃得冷則不磨不磨則水穀不消化亦令清濁二氣相干脾胃虛弱便則吐利水穀不消則心腹脹滿皆成霍亂 霍亂脈大可治微細不可治霍亂吐下脈微遲氣息劣口不欲言者不可治

此霍

亂之正病
言之最詳

乾霍亂者是冷氣搏於腸胃致飲食不消但腹滿煩亂絞痛短氣其腸胃先挾實故不吐利名為乾霍亂也

霍亂而轉筋者由冷氣入於筋故也冷入於足之三陰三陽則脚轉筋入於手之三陰三陽則手轉筋隨冷所入之筋筋則轉轉者皆由邪冷之氣擊動其筋而移轉也

按轉筋之病金匱有雞屎白散一方附脚氣條下而轉筋之症不一有平時常轉筋者有霍亂而轉筋者

并有轉筋入腹者當用木瓜吳茱萸等藥及外治湯熨之法以脩選擇

霍亂轉筋方

五苓散

霍亂頭痛發熱多欲飲水者主之寒多不

用水者理中丸主之

二方俱傷寒論見通治

理中丸

此是寒霍亂之方百不得一者也誤用者害不旋踵

加減法 若臍上築者腎氣動也去朮加桂四兩

吐多去朮加生薑三兩 下多者還用朮 悸者加

茯苓二兩 渴欲得水者加朮足前成四兩半 腹

中痛者加人參足前成四兩半 寒者加乾薑成四兩半 腹滿者去朮加附子一枚 服湯後如食頃飲熱粥一升許微自溫勿發揭衣服

霍亂轉筋入腹極臢作鹽湯於糟中煖漬之則差

千金

又方 以醋煮青布揜脚膝冷復易之

又方

千金翼

治霍亂轉筋兩臂及脚胸脇諸轉筋並主之

香薷一把水煮令極濃服二三升即差青木香亦佳

廣濟高良薑湯

外臺

治霍亂吐痢轉筋入腹

高良薑

四兩

桂心

各四兩

右二味以水七升煮取二升去滓分三服

此亦治寒霍亂之方

霍亂轉筋入腹方

外臺

木瓜子根皮合煎湯服之

茱萸湯

外臺

療霍亂轉筋不止

吳茱萸

一升

甘草

乾薑

各二兩

蓼子

一把

亂髮

一兩

燒

桂心

二兩

右六味以水七升煮取二升三合去滓分溫三服

灸法

外臺

以手拗所患脚大拇指當脚心急筋上七壯

又灸當足大拇指聚筋上七壯 又灸足大拇指

下約中一壯 又灸湧泉入腹者灸臍左二寸十四

壯 又灸股中大筋上陰一寸 轉筋四逆者灸兩

乳根黑際各一壯 轉筋欲死者灸臍上一寸十四

壯

藿香正氣散

局方

一元散

河間

蘇合香丸

局方

香薷飲

局方俱

見通治

瘧

金匱

太陽病發熱無汗反惡寒者名曰剛瘧

一作瘧
餘同

太陽病

發熱汗出而不惡寒名曰柔瘧 太陽病發熱脈沉而

細者名曰瘧為難治 太陽病發汗太多因致瘧 夫

風病下之則瘧復發汗必拘急 瘡家雖身疼痛不可

發汗汗出則瘧 病者身熱足寒頸項強急惡寒時頭

熱面赤目赤獨頭動搖卒口噤背反張者瘧病也若發

其汗者寒濕相得其表益虛即惡寒甚發其汗已其脈如蛇 暴腹脹大者為欲解脈如故反伏弦者瘥 夫瘥脈按之緊如弦直上下行 瘥病有灸瘡難治 太陽病其症備身體強几几然脈反沉遲此為瘥 太陽病無汗而小便反多氣上衝胸口噤不得語欲作剛瘥瘥為病胸滿口噤卧不著席脚攣急必介齒

瘥方

栝蒌桂枝湯

金匱

太陽病其症備身體強几几然脈反

沉遲此湯主之

栝蒌根

二兩

桂枝

芍藥

各三兩

甘草

二兩

生薑三

兩

大棗

十二枚

右六味以水九升煮取三升分溫三服取微汗汗不

出食頃啜熱粥法

麻黃加獨活防風湯

金匱

治剛瘕

麻黃

桂枝

各一兩

芍藥

三兩

甘草

半兩

獨活

防風

各一兩

右六味每服一兩水煎

疫病乃傷寒壞症小兒得之猶有愈者其餘則百難療一其實者或有因下而得生虛者竟無治法金匱諸方見效絕少

葛根湯

金匱

大承氣湯

金匱

桂枝加葛湯

有汗用見傷寒門

小

續命湯

見中風門

癰閉利淋

靈素

靈本輸篇三焦手少陽之脈入絡膀胱約下焦實則閉

癰虛則遺溺 五味篇酸走筋多食之令人癰

素宣明五氣論膀胱不利為癰不約為遺溺 氣厥論
胞移熱於膀胱則癰溺血 骨空論督脈為病癰痔遺
溺

金匱

淋之為病小便如粟狀小腹弦急痛引臍中 淋家不
可發汗發汗則必便血 熱在下焦者則尿血亦令淋
秘不通 小便不利者有水氣其人苦渴

病源

石淋 淋而出石也腎主水水結則化為石

氣淋 腎虛膀胱熱氣脹所為也

膏淋 淋而有肥狀似膏故謂之膏淋亦曰肉淋此腎虛不能制於肥液故與小便俱出也

勞淋 謂勞傷腎氣而生熱成淋也

血淋 熱淋之甚者則尿血心主血血之行身通遍經絡循環腑臟勞甚則散失其常經溢滲入胞而成血淋

也

胞轉 其病狀臍下急痛小便不通是也或因小便應下而強忍之或為寒熱所迫此二者俱合水氣還上氣於胞使胞屈別不得充張外水應入不得入內洩應出不得出外內相壅塞故令不通病至四五日乃有致死者飽食訖應小便而忍之或飽食訖而走馬或小便急疾走或忍水入房皆令胞轉或胞落並致死

數便為癰絕不便為

胞轉

尿床 小便乃水液之餘從膀胱入於胞夜卧則陽氣衰伏不能制於陰所以陰氣獨發於眠睡不覺尿出也

癰閉利淋方

枯萋瞿麥圖

金匱

小便不利者有水氣其人苦渴此主

之

枯萋根

二兩

茯苓

三兩

薯蕷

三兩

附子

一枚
泡

瞿麥一

兩

右五味末之煉蜜丸梧子大飲服三九日三服不知

增至七八九以小便利腹中溫為知

滑石白魚散

金匱

主小便不利

滑石

二分

亂髮

二分

白魚

二分

右三味杵為散飲服半錢匕日三服

茯苓戎鹽湯

金匱

小便不利主之

茯苓

半斤

白朮

二兩

戎鹽

一枚彈丸大

右三味以水五升煮取三升分溫三服

猪苓湯

金匱

脈浮發熱渴欲飲水小便不利者主之

猪苓

去皮

茯苓

阿膠

滑石

澤瀉

各一兩

右五味以水四升先煮四味取二升去滓內膠烱消

溫服七合日三服

此蓄飲之症

治諸種淋方

千金

葵根八兩茅根

石首魚頭口

各三兩宜用頭中骨

甘草一

兩通草二兩

貝子五合

天麻根五兩

右七味咬咀以水一斗二升煮取五升分五服日三

夜二亦主石淋

治石淋尤切

石葦散

千金

治血淋

石葦

當歸

蒲黃

芍藥

右四味各等分治下篩酒服方寸匕日三

胞轉方

千金翼

治丈夫女人胞轉不得小便八九日者

滑石

一斤

寒水石

一斤

葵子

一升

右三味以水一斗煮取五升盡服即利

療小便難方

本事方

治便難小腹脹不急治殺人

用葱白三斤細剉炒令熟以帕子裹分作二處更替

運臍下即通

石葦散

局方

治膀胱有熱淋瀝不宣或尿如豆汁或便

出砂石並治之

木通

剉二兩

石葦

二兩去毛

滑石

白朮

瞿麥

芍藥

葵子

各三兩

當歸

甘草

炙

王不留行

右為細末每服二錢小麥湯調下食前日二三服

藕蜜煎

養老書

治老人淋病小便不利痛悶之極

藕汁

五合

白蜜

五合

生地黃汁

一升

右相和微火煎之令如錫空心含半匙漸漸下飲食

忌熱食炙肉

此方亦治血淋

治石淋方

千金翼

車前子

二升

絹袋貯以水八升煮取三升空腹頓服

之須臾當下石子宿勿食服之良

治熱淋方

千金翼

白茅根

四斤

以水一斗五升煮取五升每服一升日

三夜二

四汁飲

治熱淋小便赤澀疼痛

葡萄

取自然汁

生藕

取汁

生地

取汁

白蜜

各五合

右和勻先把一盞銀器石器內慢火熬沸不拘時溫服

牛膝膏

治死血作淋

桃仁

去皮尖

歸尾

各一兩

牛膝

四兩酒浸一宿

赤芍

生地

各一

兩水十鍾微火煎至二碗入麝香少許分四次空心

服如夏月用凉水換此膏不壞

八正散 實鑑 治諸淋

瞿麥

梔子

篇蓄

大黃

滑石

木通

車前子

甘草

各一錢

加燈心一錢煎服

治小便失禁方

千金

以水三升煮雞腸取一升分三服

家韭子丸

治遺溺及陽氣衰敗白濁遺精

家韭子

炒六兩

鹿茸

四兩酥炙

肉苁蓉

酒浸

牛膝

酒浸

熟地

當歸

各二兩

兔絲子

酒浸

巴戟

各一兩半

杜仲

石

斛

桂心

乾薑

各一兩

右為末酒糊丸桐子大每服五十丸加至百丸食前
鹽湯溫酒任下小兒遺尿者多因胞寒亦陽氣不足
也別作小丸服

夜多小便方

千金翼

治膀胱冷故小便至夜獨多

雞腸

五具治如食法

羊腎

一具去脂並令乾

赤石脂

六兩

龍骨

三兩

肉蓯蓉

四兩

川連

五兩

桂心

二兩

右七味為末每服方寸匕日二服五日中作羊腎炙
一劑十日後外作羊腎臍香味如常食飽與之

猪肚丸

治小便頻數

猪肚

一個蓮子一升同煮一
同去皮心焙乾為末

舶上茴香

五錢

破故紙

一兩鹽
水炒

川練子

酒炒去
核一兩

母丁香

三錢

加桑螵蛸

一兩
尤效

蜜丸桐子大每服五十丸空心溫酒送下

縮泉丸

治脬氣不足小便頻多

烏藥

益智仁

各等
分

右二味為末酒煮山藥糊丸如梧子大每服五十丸

空心鹽湯送下

一方有
覆盆子

治尿床

千金

取雞肫脰一具并腸燒末酒服男雌女雄

威喜丸

見通治

蒲灰散

見水腫

龍腦雞蘇丸

治五淋血崩見通治



蘭臺軌範卷三

欽定四庫全書

子部

蘭臺軌範卷四

詳校官太醫院使臣張肇基

洗馬臣王坦修覆勘

總校官庶吉士臣何思鈞

校對官助教臣羅萬選

膳錄監生臣倪景寬

欽定四庫全書

閩臺軌範卷四

吳江徐大椿撰

濕

金匱

太陽病關節疼痛而煩脈沉而細者此名濕痺濕痺之
候小便不利大便反快但當利其小便 濕家之為病
一身盡疼發熱身色如熏黃也

此黃與黃
疸各別

濕家其人但

頭汗出背強欲得被覆向火若下之早則噦或胸滿小便不利 舌上如胎者以丹田有熱胸上有寒渴欲得飲而不能飲則口燥煩也 濕家下之額上汗出微喘小便利者死若下利不止者亦死 風濕相搏一身盡疼痛法當汗出而解值天陰雨不止醫云此可發汗汗之病不愈者何也蓋發其汗汗大出者但風氣去濕氣在是故不愈也若治風濕者發其汗但微微欲出汗者風濕俱去也 濕家病身疼發熱面黃而喘頭痛鼻塞

而煩其脈大自能飲食腹中和無病病在頭中寒濕故
鼻塞內藥鼻中則愈

內鼻之藥金匱未載俟廣求其法以補之亦不過牙皂瓜蒂之類

濕方

麻黃加朮湯

金匱

濕家身煩疼可與麻黃加朮湯發其

汗為宜慎不可以火攻之

麻黃

三兩
去節

桂枝

二兩
去皮

甘草

一兩
炙

杏仁

七十個
去皮尖

白朮

四

兩

右五味以水九升先煮麻黃減二升去上沫內諸藥

煮取二升半去滓溫服八合覆取微似汗

此濕家發汗之主方

防已黃芪湯

金匱

風濕脈浮身重汗出惡風者此湯主

之

防已

一兩

甘草

半兩炒

白朮

七錢半

黃芪

一兩一分去蘆惡風黃芪主之

右剉麻豆大每抄五錢匕生薑四片大棗一枚水盪

半煎八分去滓溫服良久再服喘者加麻黃半兩

胃中不和者加芍藥三分氣上衝者加桂枝三

分下有陳寒者加細辛三分服後當如虫行皮

中從腰下如水後坐被上又以一被繞腰下溫令微汗差

麻黃杏仁薏苡甘草湯

金匱

病者一身盡疼發熱日晡

所劇者名風濕此病傷於汗出當風或久傷取冷所致也

麻黃

半兩去節湯泡

甘草

一兩炙

薏苡仁

半兩

杏仁

十個去皮尖炒

右剉麻豆大每服四錢水一盞半煮八分去滓溫服

有微汗避風

桂枝附子湯

金匱

傷寒八九日風濕相搏身體疼痛不

能自轉側不嘔不渴脈浮虛而濇者桂枝附子湯主

之若大便堅小便利者去桂加白朮湯主之

桂枝

四兩
去皮

生薑

三兩
切

附子

三枚
炮去皮
破八片

甘草

二兩
炙

大棗

十二
枚
擘

右五味以水六升煮取二升去滓分溫三服

白朮附子湯

金匱

白朮

二兩

附子

一枚
半
炮去皮

甘草

一兩
炙

生薑

一兩
半
切

大棗

六

枚

右五味以水三升煮取一升去滓分溫三服一服覺身痺半日許再服三服多盡其人如冒狀勿怪即是木附並走皮中逐水氣未得除故耳

甘草附子湯

金匱

風濕相搏骨節疼痛掣痛不得屈伸

近之則痛劇汗出短氣小便不利惡風不欲去衣或身微腫者此湯主之

甘草

二兩炙

附子

二枚泡去皮

白朮

二兩

桂枝

四兩去皮

右四味以水六升煮取三升去滓溫服一升日三服
初服得微汗則解能食汗出復煩者服五合恐一升

多者服六七合為妙

此風濕而兼寒者

二妙散

丹溪

治筋骨疼痛因濕熱者如有氣加氣藥如
血虛加血藥如痛甚以薑汁熱辣服之

黃柏

炒

蒼朮

皮炒去

右為末生薑研沸湯調服如表實氣實者少酒佐之

在表之濕當散之在裏之濕當燥之諸方之義不外乎此

黑地黃丸

方見
通治

暍

金匱

太陽中暍發熱惡寒身重而疼痛其脈弦細孔遲小便
已洒洒然毛聳手足逆冷小有勞身即熱口開前板齒
燥若發其汗則惡寒甚加溫針則發熱甚若下之則淋

甚

此中暍乃中時行之熱氣與卒然
中暑病象如霍亂者不同當別之

暍方

白虎人參湯

金匱

太陽中熱者喝是也汗出惡寒身熱

而渴此湯主之

知母

六兩

石膏

一斤碎

甘草

二兩

粳米

六合

人參

三兩

右五味以水一斗煮米熟湯成去滓溫服一升日三

服

熱入裏則外惡寒清裏熱則惡寒自解然亦須詳審有表無表方為精密況凡屬汗出多之病無不

惡寒者以其惡寒汗出而誤認為寒用大順散等熱劑則立危矣

一物瓜蒂湯

金匱

太陽中暍身熱疼重而脈微弱此以

夏月傷冷水水行皮中所致也

瓜蒂

二十個

右剉以水一升煮取五合去滓頓服

此方服之當吐

香薷飲

局方

治暑熱乘涼飲冷陽氣為陰邪所遏頭痛

發熱惡寒煩燥口渴腹滿吐瀉者

香薷

一斤

厚朴

薑汁炒

白扁豆

炒各半斤

右水煎浸冷服

此治時行暑病之主方其分兩則五錢至一兩止

十味香薷飲

即前方加人參甘草黃芪木瓜陳皮白朮茯苓

黃連香薷飲

即香薷飲加黃連

四兩薑汁
同炒黃色

枇杷散

局方

治中暑伏熱煩渴引飲嘔逆惡心頭目眩

暈

枇杷葉

陳皮

丁香

厚朴

各五錢

白茅根

麥冬

木瓜

甘草

各一兩

香茹

七錢半

右為末每二錢薑三片煎湯調服溫服亦可如煩燥

井水調下小兒三歲以下服五分量大小加減

蟬酥丸

秘方

茅朮

雄黃

各一兩

辰砂

五錢

麝香

一錢

丁香

牙皂

各三錢

蟬酥

五錢

右用火酒化蟬酥打丸如鳳仙子大辰砂為衣放舌

底化下重者二三丸

千金丹

秘方即人馬平安散

麝香

冰片

各二錢

硃砂

五錢

雄黃

硼砂

硝

各一兩

金箔

一百張或加牛黃

右七味為末或水服二三分或嗅少許於鼻內

又刮痧法

用薄錢蘸香油刮胸背及臂股灣令色紫疹起為度
或用婦人縛髮油繩蘸油刮亦可

紫金錠

蘇合丸 局方 藿香正氣散 局方 生脈飲

六一散

以上俱
見通治

痧瘧

素問

瘧論黃帝問曰夫瘧瘧皆生於風其畜作有時者何也
岐伯曰瘧之始發也先起於毫毛伸欠乃作寒慄鼓頷
腰脊俱痛寒去則內外皆熱頭痛如破渴欲冷飲帝曰
何氣使然岐伯曰陰陽上下交爭虛實更作陰陽相移
也陽并於陰則陰實而陽虛陽明虛則寒慄鼓頷也巨
陽虛則腰背頭項痛三陽俱虛則陰氣勝陰氣勝則骨
寒而痛寒生於內故中外皆寒陽盛則外熱陰虛則內
熱外內皆熱則喘而渴故欲冷飲也此皆得之夏傷於

暑熱氣盛藏於皮膚之內腸胃之外此營氣之所舍也
此令人汗空踈腠理開因得秋氣汗出遇風及得之以
浴水氣舍於皮膚之內與衛氣并居衛氣者晝日行於
陽夜行於陰此氣得陽而外出得陰而內薄內外相薄
是以日作帝曰其間日作者何也岐伯曰其氣之舍深
內薄於陰陽氣獨發陰邪內著陰與陽爭不得出是以
間日而作也帝曰其作日晏與日早者何氣使然岐伯
曰邪氣客於風腑循膂而下衛氣一日一夜大會於風

腑其明日日下一節故其作也晏此先客於脊背也每
至於風腑則腠理開腠理開則邪氣入邪氣入則病作
以此日作稍稍益晏其出於風腑日下一節二十五日
下至骶骨二十六日入於脊內注於伏膂之內其氣上
行九日出於缺盆之中其氣日高故作日益早其間日
發者由邪氣內薄於五臟橫連募原其道遠其氣深其
行遲不能與衛氣俱行不得皆出故間日乃作也帝曰
夫子言衛氣每至於風腑腠理乃發發則邪氣入入則

病作今衛氣日下一節其氣之發也不當風腑其日作者奈何岐伯曰此邪氣客於頭項循脊而下者也故虛實不同邪中異所則不得當其風腑也故邪中於頭項氣至頭項而病中於背氣至背而病中於腰脊氣至腰脊而病中於手足氣至手足而病衛氣之所在與邪氣相合則病作故風無常腑衛氣之所發必開其腠理邪氣之所合則其腑也帝曰善夫風之與瘧也相似同類而風獨常在瘧得有時而休者何也岐伯曰風氣留其

處故常在瘧氣隨經絡沉以內薄故衛氣應乃作帝曰
瘧先寒而後熱者何岐伯曰夏傷於大暑其汗大出腠
理開發因遇夏氣淒滄之水寒臟於腠理皮膚之中秋
傷於風則病成矣夫寒者陰氣也風者陽氣也先傷於
寒而後傷於風故先寒而後熱病以時作名曰寒瘧帝
曰先熱而後寒者何也岐伯曰此先傷於風而後傷於
寒故先熱而後寒亦以時作名曰溫瘧其但熱而不寒
者陰氣先絕陽氣獨發則少氣煩冤手足熱而欲嘔名

曰痺瘧

內經之文亦論其理如此其實病變不同不可執一而論此等極多不獨論瘧為然故學者當

以意會也

岐伯曰瘧之且發也陰陽之且移也必從四末始

也陽已傷陰從之故先其時堅束其處令邪氣不得入陰氣不得出審候見之在孫絡盛堅而血者皆取之此真往而未得并者也帝曰時有間二日或至數日發或渴或不渴其故何也岐伯曰其間日者邪氣與衛氣客於六腑而有時相失不能相得故休數日乃作也其以秋病者寒甚以冬病者寒不甚以春病者惡風以夏

病者多汗 瘧脈緩大虛便宜用藥不宜用鍼凡治瘧
先發如食頃乃可以治過之則失時也諸瘧而脈不見
刺十指間出血血去必已先視身之赤如小豆者盡取
之瘧疾藥當在未來時前服刺瘧之法簡易可
學不必習針法皆能之亦治瘧之要訣也

風瘧 素生氣通天論魄汗未盡形弱而氣燄穴腠以
閉發為風瘧 又云夏傷於暑秋為瘧瘧

二日一發者
為瘧瘧瘧與

瘧
同

似瘧 素生真要大論帝曰火熱復惡寒發熱如有瘧

狀或一日發或間數日發其故何也岐伯曰勝復之氣會合之時有多少也陰氣多而陽氣少則其發日遠陽氣多而陰氣少則其發日近此勝復相搏盛衰之節瘧亦同法

瘧亦同法則非瘧可知

金匱

師曰瘧脈自弦弦數者多熱弦遲者多寒弦小緊者下之差弦遲者可溫之弦緊者可發汗針灸也浮大者可吐之弦數者風發也以飲食消息止之但熱不寒者

邪氣內藏於心外舍分肉之間令人消爍肌肉

牡瘡

瘡多寒者名曰牡瘡

似當作牝字諸本皆作牡存考

瘡方

鼈甲煎圓

金匱

病瘡以月一日發當以十五日愈設不

差當月盡解如其不差當云何師曰此結為癥瘕名

曰瘡毋急治之宜此方

鼈甲

十一分炙

烏扇

三分燒

黃芩

三分

柴胡

六分

鼠婦

三分熬

乾薑

三分

大黃

三分

芍藥

五分

桂枝

三分

葶藶

一分熬

石韋

三分
去毛

厚朴

三分

牡丹

五分
去心

瞿麥

二分

紫威

三分

半夏

一分

人參

一分

麤虫

五分
熬

阿膠

三分

蜂窠

四分
炙

赤消

十二分

蜣螂

六分
熬

桃仁

二分

右二十三味為末取鍛灶下灰一斗清酒一斛五斗浸灰候酒盡一半著鼈甲於中煮令泛爛如膠漆絞取汁內諸藥煎為丸如梧子大空心服七九日三服白虎加桂枝湯金匱溫瘧者其脈如平身無寒但熱骨節疼煩時吐此湯主之

知母

六兩

甘草

二兩

石膏

一斤

粳米

二合

桂枝

三兩
去皮

右剉每五錢水一盞半盞至八分去滓溫服汗出愈

內經以先熱後寒為溫
瘧但熱不寒為瘧瘧

蜀漆散

金匱

瘧多寒者名曰牡瘧此湯主之

牡宜
作牝

蜀漆

洗去
腥

雲母

燒二
日夜

龍骨

等分

右三味杵為散末發前以漿水服半錢匕溫瘧加

蜀漆半分臨發時服一錢匕

柴胡去半夏加枯薑湯

金匱

治瘧病發渴者亦治勞瘧

柴胡八兩人參

黃芩

甘草

各三兩

栝蒌根四

兩生薑二兩

大棗

十二枝

右七味以水一斗二升煮取六升去滓煎取三升溫

服一升日二服

柴胡桂薑湯

金匱

治瘧寒多微有熱或但寒不熱

柴胡半斤

桂枝

三兩去皮

乾薑

二兩

栝蒌根

四兩

黃芩三

兩牡蠣二兩

甘草

二兩炙

右七味以水一斗二升煮取六升去滓再煎取三升

日三服初服微煩復服汗出便愈

蜀漆丸

千金

主瘰癧連年不差服三七日定差方

蜀漆

知母

白薇

地骨皮

麥門冬

去心

升麻

各五分

恒山

一兩半

石膏

二兩研

香豉

一合

萎蕤

烏梅肉

鼈甲

各一兩炙

甘草

右十三味搗篩為末煉蜜和丸如桐子大空腹飲服

十九日再加至三十九

此方治三日瘰癧為宜

陵鯉湯

千金

主瘰癧江南瘴瘡方

陵鯉甲

四十枚炙

烏賊魚骨

附子

泡各一兩去皮

恒山

三兩

右五味咬咀以酒三升漬一宿未發前稍稍啜之勿

絕吐之并塗五心一日斷食過時久乃食

用生藥探吐法

療瘡病醫不能救者方

千金翼

外治截瘡法

以繩量病人脚圍繞足跟及五指一匝訖截斷繩取所量繩置項上著反向背上當繩頭處中脊骨上灸三十壯則定候看復惡寒急灸三十壯則定氏至過發一炊久候之雖饑勿與食盡日此神驗男左足女

右足

療瘡常山湯

外臺

吐法

常山

三兩

右一味切以漿水三升浸經一宿煎取一升欲發前
頓服之後微吐差止忌生葱生菜

牡蠣湯

外臺

治牡瘡

牡蠣

四兩

麻黃

四兩
去節

甘草

二兩

蜀漆

二兩

右四味以水八升先煮蜀漆麻黃去上沫得六升內

諸藥煮取二升溫服一升若吐則勿更服

清脾湯濟生治熱多陽瘧

青皮

厚朴

柴胡

黃芩

半夏

甘草

茯苓

白朮

草果

煨

右九味加薑三片水煎服

常山飲

局方

治痰瘧

常山

炒火酒

知母

貝母

草果

檳榔

各一錢

烏梅

三個

右六味加薑棗煎瘡未發時面東溫服

烏梅引子

療溫瘡勞瘡

烏梅

七個

桃柳心

各七莖

葱白

七莖

豆豉

一合

甘草

四

分柴胡

四分

知母

四分

大黃

三分

右八味各細剉以童子小便兩茶碗宿浸明旦早煎
三二沸去滓頓服差未差更作服三服永差忌海藻
松菜

集驗瘡必從四肢始療方

先其時一日頃用細左索繩緊束其手足十指過發

時乃解之

此即內經之法

四獸湯

易簡

治食瘧諸瘧和胃消痰

半夏

人參

茯苓

白朮

橘紅

草果

生薑

烏梅

大棗

甘草

各等分

右以鹽少許淹食頃濕紙厚裹慢火煨香熟每服四

錢溫服

小柴胡湯

見傷寒

治瘧之法不外諸方惟三日瘧則煎劑不能取效宜
病日用煎方以驅邪餘兩日用溫補以扶元氣又如
避風靜養
則庶幾矣

痢

素問

通評虛實論帝曰腸澼便血何如岐伯曰身熱則死寒
則生帝曰腸澼下白沫何如岐伯曰脈沉則生脈浮
則死帝曰腸澼下膿何如岐伯曰脈懸絕則死滑大則
生帝曰腸澼之屬身不熱脈不懸絕何如岐伯曰滑大

者曰生懸瀋者曰死以臟期之 氣厥論腎移熱於脾
傳為虛腸澼死不可治 大奇論腎脈小搏沉為腸澼
下血血溫身熱者死心肝澼亦下血二臟同病者可治
其脈小沉瀋為腸澼其身熱者死 太陰陽明論犯賊
風虛邪陽受之飲食不節起居不時者陰受之陽受之
則入六腑陰受之則入五臟入六腑則身熱不時卧上
為喘呼入五臟則填滿閉塞下為飧泄久為腸澼

此俗
所謂

腸紅
病也

金匱

六腑氣絕於外者手足寒上氣脚縮五臟氣絕於內者
痢不禁下甚者手足不仁 下痢脈沉弦者下重脈大
者為未止脈微弱數者為欲自止雖發熱不死 下痢
手足厥冷無脈者灸之不溫若脈不還反微喘者死少
陰負跌陽者為順也 下痢有微熱而渴脈弱者令自
愈 下痢渴者自愈以陽氣復而寒邪去也 下痢脈數有微熱汗出令自愈
設脈緊為未解下痢脈數而渴者令自愈設不差必清

膿血以有熱故也 下痢氣者當利其小便 下痢清

穀不可攻其表汗出必脹滿 下痢脈沉而遲其人面

少赤身有微熱下痢清穀者必鬱冒汗出而解病人必

微厥所以然者其面帶陽下虛故也 下痢後脈絕手

足厥冷時脈還手足溫者生不還者死 下痢腹脹

滿身體疼痛者先溫其裏乃攻其表

以上諸症皆屬陰寒之病非暑毒之

痢也治法大相懸殊

病源

痢而赤白者是熱乘於血血滲於腸內則赤也冷氣入腸搏腸間津液凝滯則白也冷熱相交故赤白相雜重者狀如膿涕而血雜之輕者白膿上有赤脈薄血狀如魚脂腦世謂魚腦痢也

血痢者熱毒折於血入大腸故也

休息痢者胃腕有停飲因痢積久或冷氣或熱氣乘之氣動於飲則飲動而腸虛受之故為痢也

痢如膏由臟腑虛冷氣入於大腸成痢冷氣積腸又虛

滑脂凝如膏也

蟲蛀痢毒氣侵於臟腑如病蟲蛀之家痢血雜膿瘀黑有片如雞肝與血俱下是也

雜痢謂痢色無定或水穀或膿血或青或黃或赤或白變雜無常或雜色相兼而痢也挾熱則黃赤熱甚則變膿血也冷則白冷甚則青黑皆由飲食不節冷熱不調胃氣虛故變易

痢方

桃花湯

金匱

下痢便膿血者此湯主之

赤石脂

一斤一半剉
一半篩末

乾薑

一兩

粳米

一升

右三味以水七升煮米令熟去滓溫服七合內赤石

脂末方寸匕日三服若一服愈餘勿服

此治下焦
滑脫之痢

白頭翁湯

金匱

熱痢下重者此湯主之

白頭翁

黃連

黃柏

秦皮

各三兩

右四味以水七升煮取二升去滓溫服一升不愈再

服

紫參湯 金匱 下痢肺痛此湯主之

紫參 半斤 甘草 三兩

右二味以水五升先煮紫參內甘草煮取一升半分

溫三服

紫參疑即燭
上染紅色者

訶梨勒散 金匱 治氣痢

訶梨勒 十枚
煨

右一味為散粥飲和頓服

甘草瀉心湯

傷寒
論

傷寒中風醫反下之其人下痢日數

行穀不化腹中雷鳴心下痞鞭而滿乾嘔心煩不得
安此湯主之

甘草

四兩
炙

黃芩

乾薑

各三兩

半夏

半升

黃連

一兩

大棗

十二枚

右六味以水一斗煮取六升去滓再煎取三升溫服

一升日三服

此治上焦
不和之病

黃芩湯

傷寒
論

太陽與少陽合病自下痢者與黃芩湯若

嘔者黃芩加半夏生薑湯 若傷寒本自寒下醫復

吐下之寒格更逆吐下若食入口即吐乾薑黃連黃芩人參湯主之

黃芩

三兩

甘草

芍藥

各二兩

大棗

十二枚

右四味以水一斗煮取三升去滓溫服一升日再夜

一服

此熱痢之主方

黃芩加半夏生薑湯

傷寒論

即前方加半夏

半升

生薑

三兩

煎服法同

乾薑黃連黃芩人參湯

傷寒論

乾薑

黃連

黃芩

人參各三兩

右四味以水六升煮取二升分溫再服

瀉心湯以下四方皆以黃

芩為主而因症加減此痢疾之正方也

赤石脂禹餘糧湯

傷寒論

傷寒服湯藥下痢不止心下痞

硬服瀉心湯已復以他藥下之痢不止醫以理中湯

與之痢益甚理中者理中焦此痢在下焦此湯主之

赤石脂

碎

禹餘糧

碎各一斤

已上二味以水六升煮取二升去滓三服

下焦乃大腸之底也

雄黃丸

夷堅甲志云昔虞丞相自渠州被召途中

冒暑得疾泄瀉連月夢壁間有韻語方一紙讀之數
遍其詞曰毒暑在脾濕氣連脚不泄則痢不痢則瘧
獨煉雄黃蒸餅和藥甘草作湯服之安樂別作治療
醫家大錯如方製藥服之遂愈

此方治暑毒痢

柴胡加芒硝湯

傷寒論

治傷寒胸滿而嘔日晡所發潮熱

已而微痢先以小柴胡解外後以此主之

即柴胡湯方加芒硝二兩

右先煮柴胡湯去滓內芒硝分溫再服不解更作

瓜蒌散

治五色痢久不愈者

瓜蒌

一個以炭火煨存性蓋地上出火毒

右研細溫酒服盡

療熱毒痢血片臍下絞刺痛方

外臺

升麻

地榆

茜草

黃連

各六分

犀角

四分

生地

八分 梔子

薤白

香豉

各二合

右九味水六升煮取一升五合分溫三服日再

此血痢之

主方

主赤白痢方

外臺

黃連

二兩

阿膠

四片

右二味以酒二升合黃連煎十五沸去滓然後內阿

膠令烊溫服三升

此治血熱之痢

療五疳蒸下痢方

外臺

苦參

青箱

甘草

炙各三兩

右三味以水四升煮取二升半分三灌即愈凡蒸但

服地汁即差

此兼治虫

薤白湯

活人書

傷寒下痢如爛肉汁赤白滯下伏氣腹痛

諸熱毒並皆治之

豉

半斤綿裹

薤白

一把

梔子

七枚大者破之

右剉如麻豆大以水二升半先煮梔子十沸下薤白

煎至二升許下豉煎取一升二合去滓每服一湯盞

訶梨勒丸

局方

治腸胃積寒久痢純白或有青黑日夜

無度

肉豆蔻

去皮

木香

乾薑

泡各二
十兩

縮砂仁

訶

梨勒皮

川烏頭

泡去
皮臍

白礬

煨各二
十分

龍骨

洗

赤

石脂

各八
十兩

右為末用粟米飯為丸如梧子大每服二十九至三

十九溫粟米飲下食前服甚者加倍加丸數

此溫瀉
之劑

葛根湯

葛根黃芩黃連湯

當歸四逆湯

大承氣湯

小承氣湯

四逆散

四逆湯

白通加猪胆汁湯

白通湯

四逆加人

參湯

通脈四逆湯

豬膚湯

陽毒升麻

湯

以上十三方俱見傷寒門

生薑瀉心湯

見嘔吐門

烏梅丸

方見蟲門

威喜

丸

方見通治此方和劑名威應丸

癰狂癰

靈素

靈癰狂篇狂始生先自悲也喜忘苦怒善恐者得之憂
饑狂始發少卧不饑自高賢也自辯智也自尊貴也
善罵詈日夜不休狂言驚善笑好歌樂妄行不休者

得之大恐 狂目妄見耳妄聞善呼者少氣之所生也

狂者多食善見鬼神善笑而不發於外者得之有所大喜

骨癲 靈癲狂篇骨癲疾者顙齒諸膺分肉皆滿而骨居汗出煩悞嘔多沃沫氣下泄不治

筋癲疾 靈癲狂篇筋癲疾者身倦攣急嘔多沃沫氣下泄不治

脈癲疾 靈癲狂篇脈癲疾者暴仆四支之脈皆脹而

縱脈滿盡刺之出血嘔多沃沫氣下泄不治

素生氣通天論陰不勝其陽則脈流薄疾并乃狂宣
明五氣論五邪所亂邪入於陽則狂 調經論血并於
陰氣并於陽故為驚狂 至真要大論諸躁狂越皆屬
於火

通評虛實論帝曰癰疾何如岐伯曰脈搏大滑久自已
脈小堅急死不治帝曰癰疾之脈虛實何如岐伯曰虛
則可治實則死 陽明脈解篇岐伯曰四支者諸陽之

本陽盛則四支實實則能登高也帝曰其棄衣而走者何也岐伯曰熱盛於身故棄衣欲走也帝曰其妄言罵詈不避親疎而歌者何也岐伯曰陽盛則使人妄言罵詈不避親疎而不欲食不欲食故妄走也

陽厥怒狂 素病能論帝曰有病怒狂者此病安生岐伯曰陽氣者因暴折而難決故善怒也病名曰陽厥帝曰治之奈何岐伯曰奪其食即已使之服以生鐵洛為飲夫生鐵洛者下氣疾也

胎病 素奇病論帝曰人生而有病癰疾者病名曰何
安所得之岐伯曰病名為胎病此得之在母腹中時其
母有所大驚氣上而不下精氣并居故令子發為癰疾
也

難經

癰疾始發意不樂僵仆直視其脈三部陰陽俱盛是也
重陽者狂重陰者癰

病源

風癰 風癰者由氣血虛邪入於陰經故也又人在胎其母卒大驚精氣并居令子發癰其發則仆地吐涎沫

無所覺是也

此俗名羊頭瘋

五癰 五癰者一曰陽癰發如死人遺尿食頃乃解二曰陰癰初生小時臍瘡未愈數洗浴因此得之三曰風癰發時眼目相引牽縱反強羊鳴食頃方解四曰濕癰眉頭痛身重坐熱沐頭濕結腦肺未止得之五曰馬癰發作時時反目口噤手足相引身體皆然

鬼魅 凡人有為鬼物所魅則好悲而心自動或心亂如醉狂言驚怖向壁悲啼夢寤喜魘或與鬼神交通病苦乍寒乍熱心腹滿短氣不能飲食此魅之所持也十歲以上為癰十歲以下為癇大體不外三種風驚食是也

千金

驚癇 癇分心肝脾肺腎膈腸之病及馬牛羊猪犬雞之別 其象各有所似

癲狂方

生鐵落為飲

素問

生鐵落即爐冶間鎚落之鐵屑用水研浸可以為飲其屬金其氣寒而重最能墜熱開結平水火之邪故可以下氣疾除狂怒也凡藥中用鐵精鐵華粉鐵砂鐵綉水之類皆同此意

此治怒狂之方以鎮肝為主

桂枝去芍藥加蜀漆龍骨牡蠣救逆湯

傷寒論

治傷寒脈

浮醫以火迫劫之亡陽必驚狂起卧不安者

即桂枝湯去芍藥加蜀漆

三兩洗去腥

牡蠣

五兩熬

龍骨

四

兩

右七味以水一斗煮取二升先煮蜀漆內諸藥煮取三升去渣溫服一升

柴胡加龍骨牡蠣湯

傷寒論

治傷寒下之驚煩小便不利

識語身重不能轉側此湯主之

柴胡

龍骨

人參

茯苓

鉛丹

黃芩

桂枝

各一兩半

半夏

二合

大黃

二兩

牡蠣

一兩生

生薑

一兩半

大棗

六枚

右十二味以水八升煮取四升內大黃更煮去滓溫

服一升

治癲狂百病

千金翼

大麻子

四升上好者

以水六升煮令芽生去滓煎取二升

空腹頓服或多言語勿怪但使人摩手足

煮法奇

葇荑子散

外臺

治五癰

猪卵

一具陰乾一百日

葇荑子

三斤

牛黃

八分

鯉魚胆

五分

桂心

一兩
研

右五味以清酒一升漬葭苕子暴令乾盡酒止搗合

下篩酒服五分日再當醉不知稍增

抱胆丸

類方

治一切癰癤風狂或因驚恐怖畏所致及

婦人產後血虛驚氣入心并室女經脈通行驚邪蘊

結

水銀

硃砂

細研各
二兩

黑鉛

一兩
半

乳香

一兩

右將黑鉛入銚子內下水銀結成砂子次下硃砂乳

香乘熟用柳木槌研勻九雞豆大每服一九井花水

吞下病者得卧切莫驚動覺來即安再服一九除根

琥珀壽星丸

局方

治心胆被驚神不守舍或痰迷心竅

恍惚健忘妄言妄見

天南星

一斤掘坑深二尺用炭火五升於坑內燒紅取出炭掃淨用好酒一斤澆將南星趁熱下

坑內用盆急蓋訖泥壅合經一宿取出再焙乾為末

琥珀

四兩另研

硃砂

一兩研飛一半為衣

右和猪心血三個生薑汁打麵糊攪令稠粘將心血

和入藥末丸如桐子大每服五十丸煎人參湯下日

三

控延丹

類方

治諸癰久不愈頑延聚散無時變生諸症

川烏

用生

半夏

湯洗

白殭蚕

炒各半兩生薑汁浸一宿

鐵粉

三錢研

全蝎

甘遂

各二錢半麵裹煨

右為細末生薑自然汁為丸如菴豆大硃砂為衣每服十五丸食後生薑湯下忌食甘草

獨效苦丁香散

治忽患心疾癲狂不止得之驚憂

痰氣上犯心包當治其源

以苦丁香即瓜蒂半兩為末每服一錢井花水調滿
盞投之得大吐熟睡勿令人驚起

甘遂散

類方

治癲狂及婦女心風血邪

甘遂末一錢用猪心取三管血三條和甘遂多少和
之將心批作二片入藥在內合之綿縛外用皮紙裹
濕慢火煨熟勿令焦取藥細研碾入辰砂末一錢和
勻令作四九每服一九將所煨猪心煎湯化下再服
用別猪心過半日大便下惡物後服調和胃氣丸此

病乍作乍醒者甦不食速癡者不治

苦參丸

外臺

治狂邪發惡或披頭大叫欲殺人不避水

火以苦參為末蜜丸桐子大每服十丸薄荷湯下

礞石滾痰丸

養生主論

蘇合香丸

局方

至寶丹

以上三方俱見通治

按癰癩一症其輕者不拘何方可愈重者必用鍛鍊秘方僅能有效

痰飲

金匱

問夫飲有四何謂也師曰有痰飲有懸飲有溢飲有支

飲問曰何以異師曰其人素盛今瘦水走腸間漚漚有聲謂之痰飲飲後水流在脇下欬唾引痛謂之懸飲飲水流行歸於四肢當汗出而不汗出身體疼重謂之溢飲欬逆倚息氣短不得卧其形如腫謂之支飲 水在心心下堅築短氣惡水不得飲 水在肺吐涎沫欲飲水 水在脾少氣身重 水在肝脇下支滿噎而痛 水在腎心下悸 夫心下有留飲其人背寒冷如水大留飲者脇下痛引缺盆咳嗽則輒已 胸中有留飲

其人短氣而渴四肢歷節痛脈沉者有留飲 膈上病
痰滿喘咳吐發則寒熱背痛腰疼目泣自出其人振振
身瞤劇必有伏飲 夫病人飲水多必暴喘滿凡食少
飲多水停心下甚者則悸微者短氣脈雙弦者寒也皆
天下後喜虛脈偏弦者飲也 病痰飲者當以溫藥和

之
溫藥和之
治飲總訣

夫有支飲家久咳數歲其脈弱者可治實

大數者死其脈虛者必苦冒其人本有支飲在胸中故
也治屬飲家 夫短氣有微飲當從小便去之 病溢

飲者當發其汗

水在中當利小便水在四肢當發汗此亦總訣

嘔家本渴渴者

為欲解今反不渴心下有支飲故也

假令瘦人臍下

有悸吐涎沫而癰眩此水也

先渴後嘔為水停心下

此屬飲家

全部內經無一痰字然世間痰飲之病最多惟仲景大創厥論而後萬世治痰之法始備

病源

癖飲 由飲水多水停聚兩脇之間遇寒氣相搏則結

聚成塊在脇下弦亘起按之作水聲

飲成形者為癖

酒癖 因大飲酒後渴而引飲無度酒與飲停滯在脇

肋下結聚成癖時時作痛其狀脇下氣急而痛

鬲痰 謂痰水結於胸膈之上又犯大寒使陽氣不行
令痰水結聚不散而陰氣逆上上與風痰相結上衝於
頭即令頭痛或數歲不已久之腦痛故云鬲痰頭痛若
手足寒至節即死

痰飲方

苓桂甘朮湯

金匱

心下有痰飲胸脇支滿目眩此方主

之短氣有微飲當從小便去之此主之腎氣丸亦主

之

茯苓

四兩

桂枝

白朮

各三兩

甘草

一兩

右四味以水六升煮取三升分溫三服小便即利

甘遂半夏湯

金匱

病者脈伏其人欲自利利反快雖痢

心下續堅滿此為留飲欲去故也此湯主之

甘遂

大者三枚

半夏

十二枚

芍藥

五枚

甘草

如指大一枚炙一本無

右四味以水二升煮取半升去滓以蜜半升和藥汁

煎取八合頓服之

甘遂甘草同用下飲尤速

十棗湯

金匱

脈沉而弦者懸飲內痛此方主之 欬家

其脈弦為有水此主之 又支飲家欬煩胸中痛者

不卒死至一百日或一歲亦宜此湯

芫花

熬

甘遂

大戟

各等分

右三味搗篩以水一升五合先煮肥大棗十枚取八合去滓內藥末強人服一錢匕羸人服半錢平旦溫服之不下者明日更加半錢得快之後糜粥自養

此以

散作湯法

小青龍湯

金匱

治心下有水氣乾嘔發熱或咳或痢少

腹滿而喘

麻黃

去節

芍藥

各三兩

五味子

半升

乾薑

甘草

炙

細辛

桂枝

去皮各三兩

半夏

半升湯洗

右八味以水一斗先煮麻黃減二升去上沫內諸藥

煮取三升去滓溫服一升 若微痢者去麻黃加芫

花如雞子大熬令赤色 渴者去半夏加栝蒌根三

兩 噎者去麻黃加附子一枚泡 小便不利少腹

滿去麻黃加茯苓四兩 喘者去麻黃加杏仁半升
去皮尖

木防己湯

金匱

膈間支飲其人喘滿心下痞堅面色黧

黑其脈沉緊得之數十日醫吐下之不愈此湯主之
虛者即愈實者三日復發復與不愈者宜此湯去石
膏加茯苓芒硝湯主之

木防己

三兩

石膏

十二枚
雞子大

桂枝

二兩

人參

四兩

右四味以水六升煮取二升分溫再服

木防己去石膏加茯苓芒硝湯

金匱

即前方去石膏加茯苓

四兩芒硝三合

右五味以水六升先煮四味取二升去滓內芒硝再微煎分溫再服微痢則愈

澤瀉湯

金匱

治心下有支飲其人苦冒眩

澤瀉

五兩

白朮

二兩

右二味以水二升煮取一升分溫再服

此亦從小便去之法也

小半夏湯

金匱

嘔家本渴渴者為欲解今反不渴心下

有支飲故也此湯主之

半夏

半升

生薑

半斤

右二味以水七升煮取一升半分溫再服

此專嘔之方

小半夏加茯苓湯

治卒嘔吐心下痞膈間有水眩

悸者此湯主之

即前方加茯苓三兩

一法四兩

煎法同

加茯苓而眩悸愈知茯苓治水之力

大矣

葶藶大棗瀉肺湯

金匱

治支飲不得息

葶藶

熬令黃色搗
凡如彈子大

大棗

十二
枚

右先以水三升煮棗取二升去棗內葶藶煮取一升

頓服

不得息肺病也
所以專治肺

桂苓五味甘草湯

金匱

欬逆倚息不得卧服小青龍已

多唾口燥寸脈沉尺脈微手足厥逆氣從小腹上冲
胸咽手足痺其面翕熱如醉狀因復下流陰股小便
難時復冒者與此湯治其氣衝

茯苓

四兩

桂枝

四兩
去皮

甘草

炙三
兩

五味子

半升

右四味以水八升煮取三升去滓分溫三服

此方五味子不

與乾薑同服因服小青龍之後發洩已甚而氣冲故專於斂肺也

苓甘五味薑辛湯

金匱

衝氣即低而反更咳胸滿者用

桂苓五味甘草湯去桂加薑辛以治其咳滿

茯苓

四兩

甘草

乾薑

細辛

各三兩

五味

半升

右五味以水八升煮取三升去滓溫服半升日三

苓甘五味薑辛半夏湯

金匱

欬滿即止而更復渴衝氣

復發者以細辛乾薑為熱藥也服之當遂渴而渴反

止者為支飲也支飲者法當冒冒者必嘔嘔者復內
半夏以去其水

茯苓

四兩

甘草

細辛

乾薑

各二兩

五味

半夏

各半升

右六味以水八升煮取三升去滓溫服半升日三

苓甘五味加薑辛半夏杏仁湯

金匱

水去嘔止其人形

腫者加杏仁主之其証應內麻黃以其人遂痺故不
內之若遂而內之者必厥所以然者以其人血虛麻

黃發其陽故也

即前方加杏仁

半升去皮尖

煎服法同

苓甘五味加薑辛半夏杏仁大黃湯

金匱

若面熱如醉

此為胃熱上衝熏其面加大黃以瀉之

即前方再加大黃

三兩

煎服法同

以上五方因症加減精義當細參

厚朴大黃湯

金匱

支飲胸滿者主之

厚朴一尺

大黃

六兩

枳實

四枚

右三味以水五升煮取二升分溫再服

專治胸滿

痰飲頭痛往來寒熱方

千金翼

常山

一兩

雲母粉

二兩

右二味搗篩為散熱湯服方寸匕吐之止吐不盡更

服

赤石脂散

千金翼

痰飲吐水無時其源為冷飲過度脾胃

氣羸飲食入胃變冷水反吐不停

赤石脂

三升

右一味為散服方寸匕酒飲並可下漸加三匕盡三

斤終身不吐水又不下利補五臟令人肥健有人患

飲諸藥不瘥服此一斤即愈

本事方云此方試之神效

前胡丸

治心頭痰積宿水嘔逆不下食

前胡

白朮

甘草

各五分炙

麥冬

去心六分

旋復花

豆蔻

各三分

人參

六分

枳實

炙

大黃

各四分

右九味為末蜜丸桐子大空腹酒下二十九漸加至

三十丸忌桃李魚蒜等物

范汪大甘遂丸

外臺

治留水久癖

芫花

熬

甘遂

葶蘆

熬

大黃

苦參

大戟

芒硝

貝母

桂心

各一兩

杏仁

三十枚

巴豆

三十枚去皮心熬

烏喙

三分炮令拆

右十二味為末其巴豆杏仁搗如膏蜜丸如豆大服

二九日三不知稍加以意將息之忌蘆筍猪肉生葱

礬石湯

外臺

治胸中痰癖頭痛不欲食及飲酒則阻痰

礬石

一兩

以水二升煮取一升內蜜半升頓服之須

臈未吐飲少熱湯

金珠化痰丸

局方

治胸膈煩悶涕唾稠黏痰實咳嗽因

溢不利

辰砂

研飛二兩

生白龍腦

細研半兩

皂莢子

炒黃色

白礬

光明者於鍊石

器內熬汁盡冷研

鉛白花

細研

天竺黃

研各一兩

金箔

二十片為衣

半

夏

湯洗七次用生薑一兩去皮同搗細作餅炙微黃色四兩

右以半夏皂莢子為末與諸藥研勻生薑汁煮麵糊

丸如桐子大每服十丸至十五丸生薑湯下食後臨

卧服

此方製半夏之法頗妙治上膈之痰最宜

葛花解酲湯

東垣

治酒傷而成飲癖

蓮花青皮

三分去穢

木香

五分 檳皮

去白

白茯苓

人

參

猪苓

各一錢五分

神麴

炒

澤瀉

乾薑

白朮

各二錢

白豆蔻仁

葛花

砂仁

各五錢

右為細末和勻每服三錢白湯調下但得微汗酒病去矣不可恃此過飲頻服取汗以損天年

大青龍湯

金匱見傷寒

防己椒目葶藶大黃丸

金匱見水腫

五苓

散

金匱

二陳湯

和劑

腎氣丸

青州白丸

六君

子湯

二賢散

以上六方俱見通治

小青龍加石膏湯

見咳嗽

痰飲之症十居三四患之者無不胃疼嘔逆乃普天
下醫家無人能知之者人立一說治無一效言之慨
然

咳嗽

附肺脹

靈素

靈樞玉版篇咳脫形身熱脈小以疾是逆也不過十五

日而死矣

脈小以疾訣死
之法盡此四字

素問欬論帝曰肺之令人咳何也岐伯曰五臟六腑皆

令人咳非獨肺也皮毛者肺之合也皮毛先受邪氣邪氣以從其合也其寒飲食入胃從肺脈上至於肺則肺寒肺寒則外內合邪因而客之則為肺咳五臟各以其時受病非其時各傳以與之肺欬之狀咳而喘息有音甚則唾血心欬之狀欬則心痛喉中介介如梗狀甚則咽痛喉痺肝欬之狀欬則兩脇下痛甚則不可以轉轉則兩胠下滿脾欬之狀欬則右胠下痛陰陰引肩背甚則不可以動動則欬劇腎欬之狀欬則腰背相引而痛

甚則欬涎 五氣之久欬乃移於六腑脾欬不已則胃
受之胃欬之狀欬而嘔嘔甚則長虫出肝欬不已則胆
受之胆欬之狀欬嘔胆汁肺欬不已則大腸受之大腸
欬狀咳而遺矢心欬不已則小腸受之小腸欬狀欬而
失氣氣與欬俱失腎欬不已則膀胱受之膀胱欬狀欬
而遺溺久欬不已則三焦受之三焦欬狀欬而腹滿不
欲食飲此皆聚於胃關於肺使人多涕唾而面浮腫氣
逆也 生氣通天論秋傷於濕上逆而咳 臟氣法時

論腎病者腹大脰腫喘欬身重 示從容論喘欬者是
水氣并陽明也

金匱

久欬數歲其脈弱者可治其脈虛者必苦冒其人本有
支飲在胸中故也治屬飲家 上氣喘而噪者屬肺脹
欲作風水發汗則愈

外臺

十欬一曰風欬欲語因欬言不得終也二曰寒欬飲冷

食寒因之而欬也三曰支飲心下堅滿欬引四肢痛脈反遲也四曰肝欬欬而引脇下痛也五曰心欬欬而吐血引手少陰也六曰脾欬欬而涎出續續不止下引少腹也七曰肺欬欬引頸項吐涎沫也八曰腎欬耳聾無所聞引腰并臍中也九曰胆欬欬引頭痛口苦也十曰厥陰欬欬引舌本也

咳嗽方

射干麻黃湯

金匱

咳而上氣喉中作水雞聲此湯主之

射干

十三枚一法三兩

麻黃

生薑

各四兩

紫苑

款冬

花

各三兩

五味子

半升

細辛

三兩

半夏

八枚一法半升

大棗

七枚

枚

右九味以水一斗二升先煮麻黃兩沸去上沫內諸藥取三升分溫三服

皂莢丸

金匱

欬逆上氣時時唾濁但坐不得眠此方主

之

皂莢

八兩刮去皮酥炙

右一味末之蜜丸梧子大以棗膏和湯服三九日三

夜一服

稠痰粘肺不能
清滌非此不可

厚朴麻黃湯

金匱

欬而脈浮者此主之

厚朴

五兩

麻黃

四兩

石膏

如雞
子大

杏仁

半夏

各半
升

乾薑

細辛

各二
兩

小麥

一升

五味子

半升

右九味以水一斗二升先煮小麥熟去滓內諸藥煮

取三升溫服一升日三

脈浮風
邪在表

澤漆湯

金匱

欬而脈沉者此主之

半夏

半升 北紫參

五兩 一作紫苑

澤漆

三斤以東流水五斗煮取一斗五升 生薑

白前

各五兩

甘草

黃芩

人參

桂枝

各三

兩

右九味咬咀內澤漆汁中煮取五升溫服五合至夜

盡

脈沉伏 飲在裏

越婢加半夏湯金匱咳而上氣此為肺脹其人喘目如

脫狀脈浮大者主之

麻黃

六兩

石膏

半斤

生薑

三兩

大棗

十五枚

甘草

二兩

半夏

半升

右六味以水六升先煮麻黃去上沫內諸藥煮取三

升分溫三服

肺脹之喘最多知者絕少

小青龍加石膏湯

金匱

肺脹咳而上氣煩躁而喘脈浮

者心下有水此主之

即小青龍加石膏二兩煎法同

小青龍湯方見痰飲

杏仁煎

外臺

主氣嗽

杏仁

一斤去皮尖

糖

一合疑是飴糖

酥

一合

生薑汁

一合

蜜

五合

貝母

八合易研末

蘇子

一升水研絞汁七合

右七味先搗杏仁如泥內後六味合煎如飴糖取如棗大含嚥之日三但嗽發細細含之

蘇子絞汁始有力

十味丸

外臺

治久嗽有聲成肺癰者

麻黃

去節

白前

各二兩

桑皮

六兩

射干

四兩

白薇

三兩

百部

五兩

地黃

六兩

地骨皮

五兩

橘皮

三兩

右為末蜜丸桐子大桑皮湯下十丸日再服稍加至

十五丸

療上氣方

外臺

葶藶

五合熬紫
色為泥

桑白皮

大棗

二十
枚

右三味以水四升煮取一升去滓內葶藶子泥如棗
大煮三分減一以快痢為度

鯉魚湯

外臺治上氣

杏仁

熬

貝母

桂枝

各三
兩

橘皮

人參

甘草

炙

厚朴

炙

麻黃

去節

茯苓

胡麻

白前

各二
兩

生薑

六兩

半夏

五兩
洗

鯉魚

五斤

右以水二斗煮魚得一斗二升去魚內藥煎取三升

二合分四服

按此方治咳嗽有水聲身浮腫最妙

觀音應夢散

夷堅志

治老人虛嗽

人參

一寸

胡桃

二枚不去皮

右二味以棗二枚薑五片水煎服

補肺阿膠散

錢乙

止嗽生津

阿膠

一兩半

馬兜鈴

焙

惡實

炒

甘草

炙

杏仁

七

錢

右加糯米一合水煎服

按此方治小兒天哮最效

清音丸

統音

治咳嗽失音

桔梗

訶子

各一兩

甘草

五分

礪砂

三錢

青黛

三錢

冰片

三分

右為末蜜丸龍眼大噲化一丸

葶藶丸

治肺氣咳嗽面目浮腫喘促不安小便赤

色

甜葶藶

隔紙炒

貝母

煨黃色

木通

各一兩

杏仁

防己

各二

兩

右為末棗肉為丸桐子大桑白皮煎湯下五十丸

蘇子煎

治上氣咳嗽

蘇子

生薑汁

生地汁

白蜜

杏仁

各一
升

右搗蘇子以地黃汁薑汁澆之以絹絞取汁更搗以
汁澆之絞令味盡去滓熬令杏仁微黃黑如脂又以
汁澆之絹絞往來六七度令味盡去滓內蜜合和置

瓦器中於湯上煎之令如飴每服方寸匕日三夜一

此治
久嗽

蘇子降氣湯

局方

治虛陽上攻氣不升降上盛下虛痰

涎壅盛胸膈噎塞并久年肺氣至效

蘇子

半夏

各二錢半

前胡

甘草

炙

厚朴

陳皮

各八分

當歸

二錢

沉香

七分

薑

三片

右水煎不拘時服若虛冷人加肉桂

五分

黃芪

一錢

治久嗽上氣心胸煩熱吐膿血方

蘇子

鹿角膠

炒

杏仁

炒各三兩

薑汁一合

白蜜一

盞生地汁一合

右將前三味搗令熟入薑汁地黄汁蜜相和慢火熬

成膏磁器中密封之每服半匙許溫粥飲調下日三

四服

此治寒嗽

諸病之中唯咳嗽之病因各殊而

最難愈治之稍誤即貽害無窮余以此症考求

四十餘年而後稍能措手故所載之方至詳至悉學者當於此潛心參究勿輕視也

麥冬湯

金匱見哮喘

小青龍湯

葶蘆大棗瀉肺湯

桂苓五味甘草湯

桂苓五味去桂加薑辛湯

又去桂加薑辛半夏湯

又去桂加薑辛半夏杏仁

湯

又去桂加薑半夏杏仁大黃湯

以上七方皆金匱治痰飲之方

俱載痰飲門

麻黃附子細辛湯

仲景方見傷寒

烏梅丸

金匱見出門

金珠

化痰丸

見痰飲

人參蛤蚧散

實鑑見虛勞

疝

靈素

靈經脈篇肝所生病為狐疝 足厥陰病丈夫癰疝婦

人少腹腫

素骨空論任脈為病男子內結七疝督脈為病從少腹上衝心而痛不得前後為衝疝 陰陽別論三陽為病發熱寒其傳為顏疝 脈要精微論診得心脈而急病名心疝少腹當有形也

病源

七疝 七疝者厥疝癰疝寒疝氣疝盤疝肘疝狼疝此名七疝也厥逆心痛足寒諸飲食吐不下名曰厥疝也腹中氣乍滿心下盡痛氣積如臂名曰癰疝也寒飲食

即脇下腹中盡痛名曰寒疝也腹中乍滿乍減而痛名曰氣疝也腹中痛在臍旁名曰盤疝也腹中臍下有積聚名曰肘疝也小腹與陰相引而痛大便難名曰狼疝也凡七疝皆由血氣虛弱飲食寒濕不調理之所生饑疝陰氣在內寒氣客於足陽明手少陽之絡令食竟必饑心為之痛名曰饑疝

外臺

痛達背脊名尸疝心下堅痛不可手迫名石疝臍

下結痛女子月事不時名血疝 少腹脹滿引膀胱急

痛名脈疝 寒氣積於內上衝心如刀錐所刺四肢逆

冷或唇口變青名心疝 癰疝堅大如斗

諸疝惟癰疝最大而堅冲

起犯心即能殺人非疏黃不治

疝方

烏頭桂枝湯

金匱

治寒疝腹中痛逆冷手足不仁若身

疼痛灸刺諸藥不能治者

烏頭

大者五枚熬去皮不必咬咀

以水二升煎減半去滓以桂枝

湯五合解之

又一煎法

令得一升後初服二合不知即服

三合又不知復加至五合其知者如醉狀得吐者煮

中病

蜘蛛散

金匱

陰狐疝氣者偏有大小時時上下此方主

之

蜘蛛

十四枚熬焦

桂枝

半兩

右為散取八分一匕飲和服日再服蜜圓亦可

俗名偏墜

大烏頭煎方

金匱

腹滿脈弦而緊弦則衛氣不行即惡

寒緊則不欲食邪正相搏即為寒疝遶臍痛苦發則
白津出手足厥冷其脈沉緊者此主之

烏頭

大者五枚熬
去皮不必咀

水二升煮取一升去滓內蜜二升

煎令水氣盡

又一煎法

取二升強人服七合弱人服五合

不知明日更服不可一日再服

沉寒入裏非大
熱之藥不治

洗陰腫核痛

千金翼

治丈夫陰腫大如斗核中痛者

雄黃

一兩末

礬石

二兩研

甘草

一尺生

右以水一斗煮二升洗之神良

麝香大戟丸 局方 治陰癰腫脹或小腸氣痛

葫蘆巴

四兩

麝香 一錢

大戟 半兩

茴香

川棟子

各二兩以好酒二升葱白七根長三四寸同煮軟去核取肉和丸

木香

訶子

酒浸

蒸附子

泡

栳榔 各一兩

不見火

右九味為丸如桐子大或酒或薑湯下五十丸

此方通治

疝氣他如荔枝核青鹽牽牛等俱可加八不必因一二味之殊另名一方

濟生橘核丸

治四種癰病卵核腫脹偏有大小或

堅硬如石痛引臍腹甚則膚囊腫脹成瘡時出黃水

或癰腫潰爛

橘核

炒

海藻

昆布

海帶

各泡

川練肉

炒

桃仁

麩炒各一兩

製厚朴

木通

枳實

麩炒

延

胡索

炒

桂心

木香

各一兩

右為細末酒丸桐子大每服七十丸酒鹽湯下

此輕堅之

藥

川練子丸

治疝氣及一切下部之疾腫痛縮小雖

多年服此藥永去病根

川練子

淨肉一斤分四處四兩用麴一合班貓四十

一合已豆四十九粒同麴炒黃色去麴班貓不用四兩用麴一合已戟一兩同麴炒黃色去麴已戟不用

四兩用鹽一兩茴香一合同炒黃色去鹽及茴香不用

木香

一兩不見火

破故紙

一兩

炒香為度

右為末酒糊丸如桐子大每五十九鹽湯下甚者日進三兩服空心食前

礪砂圓

本事方

有人貨疝氣藥日數千文有一國醫多金

得之用之良驗

木香

沉香

巴豆肉

各一兩

青皮

二兩

銅青

半兩

研
硃砂一分

右上一香青皮三味細剉同巴豆慢火炒令紫色為度去巴豆為末入青砂二味研勻蒸餅和丸如桐子大每服七丸至九丸鹽湯吞下二三服空心食前服

按此方法既有理而用銅青更奇此等所謂海上方也

蟬脫散

治脬囊腫小兒坐地為蚓或蟻吹著

蟬脫

半兩

水一碗煎湯洗再溫再洗仍與五苓散加

燈心煎服


或用石
灰湯洗

當歸生薑羊肉湯

見通治

撞氣阿魏丸

見嘔吐



蘭臺軌範卷四